

醫

學

綱

目

醫學綱目卷之二十三

胃部

泄瀉滯下

熱帶下屬

瀉論曰：藏腑瀉利，其證亦多大抵從風濕熱論之。是知寒少熱多，寒則不能久也。故曰：暴泄非陰久，泄非陽論曰：春宜緩形，形緩動則肝木乃榮，反靜密則是行秋令，金能制木，風氣內感，夏至則火盛而金去，獨火木旺而脾土損矣。輕則殄泄，身熱脈洪，穀不能化，重則下利膿血，稠粘裏急。後重故曰：諸泄稠粘皆屬於火。經云：洩而便膿血，知氣行而血止也。宜大黃湯下之，是為重劑。黃芩芍藥湯是為輕劑。是實則瀉其子，木能自虛而脾土實矣。故經曰：春傷於風，夏為殄泄。此逆四時之氣人所自為也。此一傳熱泄，所謂滯下也。有自太陰經脾受濕而為水泄，虛滑微滿，身重不知穀味。假令春宜益黃散補之，夏宜泄之法曰：宜補宜泄宜和宜。

瀉滯風

止和則考藥湯止則訶子湯久則防變為膿血是脾經傳

受於腎謂之賊邪故難愈也若先利而後瀉謂之微邪故

易安此皆脾土受濕天之所為也却聖智不能逃口食味

臯食氣從臯而入留積於脾而為水泄也此一節濕泄所謂泄瀉也

有厥陰經動下痢不止其脉沉而遲手足厥逆涕唾膿血

此症難治宜麻黃湯小續命湯汗之法云為有表邪縮於

內當散之而自愈此一節風泄所謂久泄也有暴下無聲身冷自汗

小便清利大便不禁氣難布息脉微嘔吐急以重藥温之

漿水散是也此一節寒泄所謂暴泄也故法曰後重者宜下腹痛者

宜和身重者宜除濕脉弦者去風膿血稠粘者以藥竭

之身冷自汗者以毒藥温之風邪內縮者宜汗之則愈驚

澹為痢宜温之而已又曰在表者發之在裏者下之在上

者湧之在下者竭之身表熱者內疎之小便澀者分利之

久瀉風

暴泄風

治陰症

又曰盛者和之去者逆之過者止之兵法曰避其來銳

其情歸此之謂也 凡病泄而惡寒太陰傳少陰為上來

剋水也用除濕白朮茯苓安脾芍藥桂枝黃連破血火邪

不能勝水太陰經不能傳少陰而反助火邪上乘肺經而

痢必白膿也加當歸芍藥之類是已 又裏急後重脈大

而洪實為裏實症而痛甚是有物結墜也宜下之若脈浮

大甚不可下 雖裏急後重脈沉細而弱者謂寒邪在內

而氣散也可溫養而自安 裏急後重閉者大腸氣不宣

通也宜加檳榔木香宜通其氣若四肢慵倦小便少或不

大便起坐沉困飲食減少宜調胃去濕白朮芍藥茯苓三

味水煎服白朮除脾胃之濕芍藥除胃之濕熱四肢困倦

茯苓能通水道走濕 如發熱惡寒腹不痛加黃芩為主  
如未見膿而惡寒乃太陰欲傳少陰也加黃連為主桂枝

脈實充  
下浮息  
下  
脈細  
溫  
開者宜  
調

三部血

寒熱

佐之如腹痛甚加當歸倍芍藥如見血加黃連為主桂枝  
 當歸佐之 如煩躁或先便白膿後血或發熱或惡寒非  
 黃芩不能止上部血也如惡寒脉沉先血後便非地榆不  
 除下部血也如惡寒脉沉或腰痛或臍下痛非黃連不除  
 此中部血也如便膿血相雜而脉浮大慎勿以大黄下之  
 下之必死謂氣下竭也而陽無所收凡陰陽不和惟以分  
 陰陽之法治之 又曰暴泄非陰久泄非陽有熱者脉疾  
 身動聲亮暴注下迫此陽也寒者脉沉而細身困鼻息微  
 者薑附湯主之身重不舉木附湯主之 渴引飲者是熱  
 在膈上水多入則自胃膈入胃中胃本無熱因不勝其水  
 胃受水攻故水穀一時下此症當灸大椎三五壯立已乃  
 督脉瀉也如用藥使車前子雷丸白朮茯苓之類五苓散  
 亦可 又有寒泄者大腹滿而泄又有驚瀉者是寒泄也

驚者鴨也大便如水其中有少結糞者是也如此者當以  
虛實天麻附子乾姜之類 又法曰泄有虛實寒熱虛則無力

不及拈衣未便已泄出謂不能禁固也實則數至固而不  
便俗云虛坐努責是也裏急後重皆依前法進退大承氣

分六經湯主之

太陽病為挾熱痢涼膈散主之

表症提下因而下痢不止為挾

熱

陽明為痼瘕進退大承氣湯主之

太陰濕勝濡瀉

不可下而可溫四逆湯主之

少陰蟄風不動禁固可瀉

赤石脂丸乾姜湯主之

厥陰風泄以風治宜小續命湯

消風湯主之

少陽風氣自動大柴胡湯主之

分新久

保五泄傷寒乃分三部

初說暴

次說中

後說久泄

此說是難經五十七難是三節內該十五法初治以暴藥  
中以的對症藥得中治也未治久泄仲景論厥陰經治法

是也

垣胃氣和平飲食入胃精氣則輸于脾上歸于肺行於百脉而養榮衛也若飲食一傷起居不時損其胃氣則上升精華之氣反下降是為飧泄久則太陰傳少陰而為腸澼假令傷寒冷飲食膜滿而脹傳為飧泄者宜溫熱之劑以消導之傷濕熱之物而成膿血者宜苦寒之劑以內疎之風邪下陷者升舉之濕氣內盛者分利之裏急者下之後重者調之腹痛者和之洞泄腸鳴無力不及拈衣其脉細微而弱者溫之收之膿血稠粘數至圓而不能便其脉洪大而有力者下之寒之大抵治病當求其所因察何氣之勝取相剋之藥平之隨其所利而利之以平為期此治之大法也論瀉痢久不止或暴下者皆太陰受病不可離甘草芍藥若不受濕則不痢故須用白朮是以聖人立法

五泄

若四時下痢於芍藥白朮內春加防風夏加黃芩秋加厚朴冬加桂附然更詳外證寒熱處之如裏急後重須加大黃如身困倦須用白朮若自汗逆冷氣息微加桂附以溫之如或後重膿血稠粘雖在感冬於溫藥內亦加大黃

難有胃泄有脾泄有大腸泄有小腸泄有大瘕泄名曰後

重 胃泄者飲食不化色黃飧泄也保命云不氣湯下之又有脾泄

者腹脹滿泄注食即嘔吐逆保命云建中理中湯主之大腸泄者食

已窘迫大便色白腸鳴切痛保命云乾姜附子湯主之小腸泄者溲

而便膿血少腹痛保命云承氣湯下之大瘕泄者裏急後重數至

圜而不能便保命云胃小腸大腸三症皆清涼飲

并草少陰症妄急後重加大黃

此治五泄之法也

診

丹泄瀉之症水穀或化或不化並無芻蕘惟覺困倦若滯



下則不然或膿或血或膿血相雜或腸垢或無糟粕或糟粕相雜雖有痛不痛之異然皆裏急後重逼迫惱人

仲大腸有寒者多驚澹有熱者便腸垢

腸中寒則腸鳴飧泄腸中熱則出黃糜師傳

仲下利脉微弱數者為欲自止雖發熱不死下利有微

熱而渴脉弱者亦自愈下利脉數而渴者今自愈設不

瘥必清膿血以有熱故也下利脉數有微熱汗出今自

愈設脉緊為未解下利脉反弦發熱身汗者自愈下

利脉沉而遲其人面少赤身有微熱下利清穀者必鬱冒

汗出而解病人必微厥所以然者其面戴陽下虛故也

素胃脉虛則泄脉要論

脉滑按之虛絕者其人必下痢肺脉小甚為泄全文見右

虛實法經云小腎脉小甚為洞泄小者血氣皆少腎主閉藏今血氣虛少無

者氣血皆虛

以閉藏  
故泄

素尺寒脉細謂之後泄

平人氣象論

尺膚寒其脉小者泄小

氣全文見評  
虛實論

仲下利脉沉弦者下重 下利寸口反浮數尺中自濡者

必清膿 溲病若腹大而泄者脉當細微而濡反緊大而

滑者死

脉泄注脉緩時小結者生浮大數者死

素泄而脉大者難治

玉機真微論

病泄脉洪大是逆也全錄

死生

仲下利脉大者為不止 下利日十餘行脉反實者死

靈大便赤辦煖泄脉小者手足寒難已殮泄脉小手足溫

泄易已論疾診 腹鳴而滿四肢清泄其脉大是逆也如

是者不過十五日死矣全文見 腹大脹四末清脫形泄

甚是逆也如是者不及一時死矣

仲六府氣絕於外者手足寒上氣脚縮五臟氣絕於內者利不禁下甚者手足不仁 下利手足厥冷無脈者灸之不溫若脈不還反微喘者死少陰負跌陽者為順也 下利後脈絕手足厥冷時脈還手足溫者生脈不還者死病者痿黃燥而不渴胃中寒而利不止者死 假令下利寸口關上尺中悉不見脈然尺中時一小見脈再舉頭者腎氣也若見損脈來為難治

丹下痢如魚腦者半死半生 下痢如糜腐色者死

純血者死 下如屋漏者死 下痢如竹筒注者不可治

五虛者不治

五虛者經云脈細皮寒氣少泄痢前後飲食不入此謂五虛五虛者死其漿粥入胃泄注止則虛者活予嘗治

數人在下則泄瀉不止在上則吐痰不已者皆死  
脫無所管攝故也若用參朮膏救之早者十活二三

泄瀉

理後泄瀉

下痢水穀不入裏急後重是泄瀉也

脾濕

世胃苓湯一名對金飲子治脾濕太過泄瀉不止

平胃散

五苓散

右對水煎服極效

羅內經曰濕勝則濡泄甲乙經云寒氣客於下焦傳為濡泄夫脾者五臟之至陰其性惡寒濕今寒濕之氣內客於脾故不能裨助胃氣腐熟水穀致清濁不分水入腸間虛莫能制故洞泄如水隨氣而下謂之濡泄法當除濕利小便也治之以對金飲子

平胃散

錢五

五苓散

錢二

草薢

薤白

右相和作四服水一盞半生姜三片棗二枚煎至一盞

去查溫服食前

垣加減平胃散治脾胃不和不思飲食心腹脇肋脹滿刺  
痛口苦無味胃滿短氣嘔噦惡心噫氣吞酸面色痿黃肌  
體瘦弱怠惰嗜臥體重節痛常多自痢或發霍亂及五噎  
八噎隔氣反胃等症

厚朴

去皮姜制炒  
三兩二錢

蒼朮

去粗皮米泔浸五兩

陳皮

三兩

甘草

二兩

右爲細末每服二錢水一盞生姜三片棗二枚同煎至  
七分去查溫服或去姜棗帶熱服空心食前入鹽一捻  
沸湯點服亦得常服調氣暖胃化宿食消痰飲辟風寒  
冷濕四時非常之氣 如小便赤澀加白茯苓澤瀉  
如米穀不化飲食傷多加枳實 如胃中氣不快心下  
痞氣加枳殼木香 如脾胃困弱不思飲食加人參黃

芪 如心下痞悶服者加厚朴甘草減半 如遇

加炒黃芩 如遇雨水濕潤時加茯苓澤瀉 如有痰

涎加半夏陳皮 凡加時除蒼朮厚朴依例加之如一

服五錢有痰用半夏一兩 如嗽飲食減少脉弦細加

歸身黃芪 如脉洪大緩加黃芩黃連 如大便硬加

大黃三錢芒硝二錢先嚼麩炒桃仁爛以藥送下

加減平胃散例若泄瀉脾濕加茯苓丁香白朮為調胃

散一法加藿香半夏 若加乾姜為厚朴湯 若溫疫

時氣二毒傷寒頭痛壯熱加連翹葱白五寸豆豉三十

粒煎二三服取微汗出愈 若五勞七傷脚手心熱煩

躁不安百節痠疼加柴胡 若痰嗽瘧痢加姜製半夏

若小腸氣痛加茴香 若水氣腫滿加桑白皮 若

婦人赤白帶下加黃芪 若酒傷加丁香 若飲冷傷

加高良姜 若滑脫泄瀉加肉苳蔻 若風痰四肢沉  
困加荊芥 若腿膝冷痛加牛膝 若渾身虛腫拘急  
加地骨皮 若腿膝溫痺加兔絲子 若白痢加吳茱  
萸 若赤痢加黃連 若頭風加藜蘆 若轉筋霍亂  
加樟木皮 若七邪六極耳鳴夢泄盜汗四肢沉重腿  
膝痠婦人宮臟久冷月事不調者加桂枝 若胃寒嘔  
吐多加生姜一法加茯苓丁香各三兩 若氣不舒快  
中脘痞塞加砂仁香附三兩生姜煎服 若與五苓散  
相半為對金飲子 若與六一散相合為黃白散 若  
與錢氏異功散相合為調胃散 若飲食進退加神麩  
麥芽冬月加吳茱萸川椒乾姜桂為吳茱萸湯 若加  
藜蘆本桔梗為和解散治傷寒吐利 若加藜蘆半夏為  
不換金正氣散 若瘧疾寒熱者加柴胡 若小腸氣

痛者加紫蘇茴香

脾胃或曰平胃散之溫和可以補養胃氣乎以爲何如予曰蒼朮性燥氣烈行濕解表甚爲有功厚朴性溫散氣非脹滿實急者不用承氣用之可見矣雖有陳皮非草之甘緩甘辛亦是決烈耗散之劑實無補土之利經謂土氣太過曰敦阜亦能爲病况胃爲水穀之海多氣多血故因其病也用以瀉有餘之氣使之平耳又須察其候寒氣閉塞物者而後投之胃氣和平便須却藥謂之和平者初非補之之謂豈可以爲補劑而常用之乎或曰調胃承氣亦治胃病謂之調者似與平胃之平意義相近何用藥之相遠也予曰調胃承氣治熱中下二焦藥也經云熱淫于內治之鹹寒佐以苦其功在乎導利而行之以緩平胃散止治濕上焦藥也經曰濕上甚而熱治以苦溫佐以甘辛以



汗爲故而止或曰治濕不利小便非其治也此非仲景法耶何子言之悖也予曰淡滲治濕因有濕在中下二焦今濕在上宜以微汗而解不欲汗多故不用麻黃葛根輩耳五苓散治泄瀉水多者方見傷寒

瀉濕四苓散加蒼朮白朮甚者二朮必用炒

白朮

三分加澤瀉一兩半澤瀉兩

茯苓

猪苓

蒼朮

錢各五

本治水瀉用草烏半生半燒灰存性爲末醋丸空心井花水下七丸

蒸熱河益元散治身熱泄瀉小便不利

滑石

六兩

甘草

錢一兩

右爲末每服三錢蜜湯調下日三服如解寒發汗煎葱白豆豉湯調下四錢併三服以效爲度

丹參黃丸治濕熱滯氣者濕熱甚者用為向導上

酸下可治自利

六一散

七兩即益元散

吳茱萸

二兩

一方去茱萸加乾

姜一兩名溫六丸

本歐陽文忠公嘗得暴下國醫不能愈人云市人有此藥

三文一貼甚效夫人買進之一服而愈後召賣藥者問其

方但用車前子一味為末米飲下二錢七

此藥利水道

丹黃芩木通入四苓散煎服治火多泄瀉 水煮金花丸

治泄不止乾嘔

方見乾嘔而利門

風痰實者下之

世木香和中丸腹痛泄瀉脈滑者神效累驗

方見治虛實法

仲下利脈遲而滑者實也利未欲止急下之宜大承氣湯

下利脈反滑者當有所去下乃愈宜大承氣湯

下利脈中堅者當下之 下利後三部皆平按之心下堅

位老  
迷之

者宜大承氣急下之 病者脉伏其人欲自利利反快雖

利心下續堅滿此爲留飲欲去故也 甘遂半夏湯主之

甘遂

大者  
二枚

半夏

十二枚以水一升  
煮取半升去渣

芍藥

五枚

甘草

指大  
一枚炙

右四味以水二升煮取半升去渣以蜜半升和藥汁煎

取八合頓服之

用仁七姪之子肚泄有積與小胃丹二十粒作二次吞之

小胃丹方見  
內傷飲食

積熱作泄亦宜下之

保治寒積痢男婦小兒各不同或赤白或清痢如水不後

重者寒也經曰澄澈清冷皆屬於寒此爲虛寒中有積也

宜附子已薑輩下之見利則愈空心服

御下痢氣者當利其小便

無背利  
小便  
虛者和

瀉治太陰脾經受濕水瀉注下體重微滿困弱無力不欲

飲食暴泄無數水穀不化先宜白朮芍藥湯

白朮

芍藥

各一兩

甘草

五錢俱用炒黃微連

右細末每一兩水二盞煎至一半溫服

如腹疼甚者宜蒼朮芍藥湯主之

蒼朮

芍藥

各一兩

黃芩

半兩

右剉每一兩入淡桂半錢水盞半煎至一盞溫服

如脉弦頭痛者宜蒼朮防風湯主之

蒼朮

防風

各二兩

右剉同前法煎服

如下

血宜蒼朮地榆湯主之

方見下

已上症如心下痞每服

加枳實一錢如小便不利每服加茯苓二錢如腰痛漸

已泄下漸少宜訶子散止之

方見後

丹氣虛泄瀉人參白朮炒芍藥升麻主之

其功散治脾胃虛冷腸鳴腹痛自利不思飲食

方見小兒吐瀉

補脾行

人參白朮茯苓甘草陳皮各  
等分爲末每五錢薑棗煎服

丹女人吐泄左手脉弱此自來欠血面帶黃多年當作虛  
濕治之

滑石錢六

白朮半兩

陳皮

當歸錢各三

厚朴

木通

芍藥錢各一

甘草錢分五

分六貼姜一片煎

四八官患泄小便赤少食少倦怠脉弱此受濕爲病當補  
脾涼肺

白朮

滑石錢各一

黃芩

人參

芍藥錢各五

木通

陳皮錢各三

乾姜錢一

甘草錢一

分八貼煎服

五兒腹泄此受寒涼爲病

白朮

蒼朮錢各二

乾姜

茯苓

厚朴各一錢

甘草三錢

右爲末每服二錢白湯調下

一丈夫腹瀉曾痞不渴

半夏一錢

蒼朮

白朮

青皮各二錢

木通

紫蘇各一錢

良姜半錢

甘草少許

分三貼姜三片水二盞煎服

輝五孺人瘰癧已好止是食少乏力肚泄自汗

牡蠣一錢半

白朮二錢

乾姜三錢

陳皮五分

黃芪二分

當歸一分

白水煎服

賈宅女人六十八歲腹泄面黃乏力脉浮大而數此有熱

積

滑石

白朮炒各一錢

茯苓

神麴炒

陳皮各五錢

黃連

黃芩

乾姜一錢

右爲末粥爲丸山查湯食前下五十粒

一丈夫病熱退未盡食太早日渴倦甚腹泄心煩脚冷

人參

滑石

柴胡

白朮

陳皮各一錢

木通半錢

甘草五分

分四貼煎七分下保和十五丸

右九方丹溪東垣治泄瀉之法大率皆用白朮滑石補

脾行濕其餘隨症加減第一二方專治泄也第三方治

泄之挾熱也第四五六方治泄之挾寒也第七八方治

泄之挾飲食積也

抹弦者  
汁陽除

垣予病脾胃久衰視聽半失此陰盛乘陽加之氣短精神

不足此由弦脉令虛多言之過也皆陽氣衰弱不得舒伸

伏匿於陰中耳癸卯歲六七月間淫雨陰寒踰月不止時

人多病泄痢濕多成五泄故也一日予體重肢節疼痛大

便泄并下者三而小便閉塞思其治法按內經標本論大小不利無問標本先利小便又云在下者引而竭之亦是先利小便也又云諸泄利小便不利先分別之又云治濕不利小便非其治也皆言當利小便必用淡味滲泄之劑以利之是其法也噫聖人之法雖布在方冊其不盡者可以意求耳今客邪寒濕之淫從外而入裏以暴加之若從已上法度用淡滲之劑以除之病雖即已降之又降是復益其陰而重竭其陽則陽氣愈削而精神愈短矣是陰重強陽重衰反助其邪之謂也故必用升陽風藥即瘥以羌活獨活柴胡升麻各一錢防風根半錢炙甘草半錢同咬咀水二鍾煎至一盞去查稍熱服大法云濕寒之勝助風以平之又曰下者舉之得陽氣升騰而去矣又法云客者除之是因曲而爲之直也夫聖人之法可以類推舉一



而知百者也若不達升降浮沉之理而一槩施治其愈者幸也

升陽除濕陽治脾胃虛弱不思飲食洩瀉無度小便黃四肢困弱自下而上引而去之

升麻

柴胡

羌活

防風

各半錢

蒼朮

甘草

神麴

澤瀉

豬苓

陳皮

麥蘖

右咬咀水二盞煎去查空心服如胃寒腸鳴加益智半夏各五分姜蜜同煎非腸鳴不用  
人參升胃湯治一日大便三四次澹而不多有時泄瀉腹

鳴小便黃

黃芪

甘草

升麻

柴胡

各二錢

陳皮

歸身

益智

紅花

各二錢

人參六分

右剉作二服水二盞煎至一盞去渣稍熱食前服

實積丹止瀉姜麴丸

神麴六兩

茴香兩

生姜兩

右爲丸每服五七十丸

痰積泄瀉

海石

青黛

黃芩

神麴

右爲丸每服三五十九丸病少者必用吐法吐之方愈  
右積滯洩瀉腹必耕痛方泄者是也或肚腹滿按之堅  
者亦是也受病泄者宜神麴之類消導之病深而頑者  
必用滯下門後重多熱條進退承氣之類下之方安

虛滑熱丹固腸丸

樗皮兩

滑石兩

右為末粥丸

界溪云因勝丸性燥若胃氣未盡者不可連用

保訶子散治洩久腹痛漸已瀉下漸少宜此藥止之

訶子

一兩半生半熟

木香

生半熟

甘草

二錢

黃連

三錢

右為細末每服二錢以白朮芍藥湯調下如止之不已宜因其歸而送之於訶子散內加厚朴一兩竭其邪氣也

虛滑久而不止者多傳變為痢太陰傳少陰是為鬼邪先以厚朴枳實湯防其傳變

厚朴

枳實

各一兩

訶子

一兩半生半熟

木香

半兩

黃連

二錢

甘草

二錢

大黃

三錢

右為細末每服三錢或五錢水一盞半煎至一盞去渣

溫服

已上治

寒

補脾丸

白朮

兩

白芍藥

二錢

右爲細末飯丸冬月去芍藥加肉桂越澤瀉服之又下  
止者於內加飛礬一錢半

氣痢訶黎勒散主之用訶黎勒

上枝

右一味爲散粥飲和

頓服

林億云疑非仲景方也

垣扶脾丸治脾胃虛寒腹中痛溇洩無度飲食不化

白朮

茯苓

甘草

訶子皮

烏梅肉

各二錢

紅苳

乾姜

肉桂

各半錢

麥蘖

神麴

陳皮

半夏

錢二

右爲末荷葉裏燒飯爲丸如桐子大每服五十九溫水

食前下

一方加蒼香一錢

治痢久臟腑虛滑去積不已用蒼朮湯下桃花丸

蒼朮

兩

防風

兩

右剉水一碗煎至一大盞下桃花丸或赤石脂丸小便

利則安

桃花丸即滯下門桃花湯爲丸赤石脂乾姜二味是也

有一人病大腸寒清小便精出諸熱藥服及一斗二升未效後教服赤石脂乾姜各一兩胡椒半錢同爲末醋糊爲丸如桐子大空心及食前米飲下五七十九丸終四劑遂愈

本治脾胃不和泄瀉不止諸藥不效訶子丸

訶子皮

川姜

肉荳蔻

龍骨

木香

赤石脂

附子各等分

右細末糊丸如桐子大每服四十九丸米飲下

赤石脂禹餘糧湯方治大腸泄瀉

赤石脂制

禹餘糧各四錢

右剉碎每服五錢水一盞半煎至八分去渣溫服

孫洽氣虛傷冷暴作水瀉日夜二三十行腹痛不止更  
路行備急朝真丹用硫黃一兩半研令極細粘白礬五錢  
同細研勻水浸蒸餅去水和丸如桐子大硃砂為衣每服  
十五丸溫米飲鹽湯下已上止

暴泄治暴水洩不止

肉苳蔻

三箇用濕麩裹之置火肉煨令麩焦去麩丹  
溪云肉苳蔻屬金樹土溫中補脾為有力日  
華子稱其下氣以脾胃得補而善運  
化氣自下也非若香附陳皮之類也

右將肉苳蔻為細末只作一服陳米飲調食前服之神

驗

潮暴泄如水周身汗出一身盡冷脉沉而弱氣少而不能  
語甚者加吐此謂緊病宜以漿水散治之

半夏二錢

良姜二錢

乾姜

肉桂

甘草

附子炮各五錢

右細末每服三五錢水二盞煎至一盞熱服甚者三四服若太陽經傷動傳太陰下痢為鶩溏大腸不能禁固卒然而下中有硬物欲起而又下欲了而又不便多清此寒也宜溫之春夏桂枝湯秋冬白朮湯謙甫云鶩溏者大便如水其中有少結糞是也

桂枝湯

桂枝 芍藥

白朮各半

甘草錢二

右切每服半兩水一盞煎至七分去渣溫服

白朮散

白朮

芍藥

各三錢

乾姜泡半

甘草錢二

右麤末如前服之甚則除去乾姜加附子三錢謂辛能發散也

羅麪木丸治時暑暴泄吐脾胃及治飲食所傷胸膈痞悶

神麪

蒼朮

泔浸一宿各等分

右為細末麪糊為丸如桐子大每服三十九丸溫米飲送

止洩丸 肉苳蔻五 滑石梨 右為末搗飯丸惟滑石

夏三兩半秋二兩春冬一兩一錢半

羅中寒治驗 參政商公時年六旬有二原有胃虛症至元巳巳夏上都佳時值六月霖雨大作連日不止因公務勞役過度飲食失節每日臍腹作痛腸鳴自利須去一二行少定不喜飲食懶於言語身體困倦召予視之予診其脈沉緩而弦參政以年高氣弱脾胃宿有虛寒之症加之霖雨及勞役飲食失節重虛中氣難經云飲食勞倦則傷脾胃不足而往有餘隨之歲火不及寒乃太行民病驚溇今脾胃正氣不足腎水必挾木勢反來侮土乃薄所不勝乘所勝也此疾非甘辛大熱之劑則不能瀉水補土雖夏暑之時有用熱遠熱之戒又云有假者反之是從權而治其



急也內經云寒濕于內治以辛熱乾姜附子辛甘大熱以瀉寒水以爲君脾不足者以甘補之人參白朮甘草陳皮苦甘溫以補脾土胃寒則不欲食以生姜草薢辛溫治客寒犯胃厚朴辛溫厚腸胃白茯苓甘草助姜附以導寒濕芍藥酸微寒補金瀉木以防熱傷肺氣爲佐不數服卽愈

附子溫中湯治中寒腹痛自利米穀不化脾胃虛弱不喜飲食懶言困倦嗜臥

附子

炮去皮

乾姜

炮各七錢

人參

甘草

炙

白芍藥

白茯苓

去皮

白朮

各五錢

厚朴

姜製

草薢

剉去皮

陳皮

各三錢

右剉每服五錢或一兩水二盞半姜五片煎一盞食前

溫服

簡理中湯治泄瀉加橘紅茯苓各一兩名補中湯若瀉泄  
不已者於補中湯內加附子一兩不喜飲食水穀不化者  
再加砂仁一兩共成八味理中湯方見傷寒

本治脾胃中風濕臌脹泄滑鞠藭丸

芎藭

神麴

白朮

附子

各等分泡

右為細末麩糊丸如桐子大每服三五丸米飲下左  
氏述楚子圍蕭蕭將潰無社告申叔展曰有麴乎有山  
鞠藭乎鞠藭芎藭也意欲令逃水中以避禍是知芎藭  
能除濕當加朮附以制之若脾濕而泄者萬無不中亦  
治殮泄

無桂香丸治臟腑虛為風寒所搏冷滑注下不禁老人虛  
人危篤累效

附子

炮去皮臍

肉苳蔻

炮

白茯苓

各一兩

桂心

乾姜炮

木香半兩

丁香一分

右為末糊丸如桐子大米湯下五十九空心服

孫治水瀉無度乾姜末粥飲調一錢服立效

熱

泄而身熱小便不利口渴者益元五苓若火多四苓加木

通黃芩

方見濕熱條

泄而困倦不便者及脈數者虛熱者宜

參朮滑石苓通

方見補脾行濕條

泄而脈滑堅者實熱宜大承

氣湯

方見實條

丹玉龍丸治一切伏暑泄瀉神效

方見傷寒部暑門

上下表裏

仲下痢不止醫以理中與之利益甚理中者理中焦此利

在下焦赤石脂禹餘糧湯主之復痢不止者當利小便

下痢腹脹滿身體疼痛者先溫其裏乃攻其表溫裏宜四

逆湯攻表宜桂枝湯

歲時

大腸小腸為泄全文見

一陽發病少氣善欬善泄全文見

診病傳

運氣泄瀉有六

一曰土助脾濕盛而泄瀉經云歲土太過雨濕流行病溇泄腸鳴又曰歲水不及濕乃下行民病身重濡泄又云歲火不及寒乃大行土復則病驚漉腹痛腸鳴泄注又云土鬱之發民病飲發注下又云濕勝則濡瀉治以苦溫是也  
二曰風木攻脾虛而泄瀉經云厥陰司天風淫所勝民病泄瀉溇泄又云春傷於風邪氣留連乃為洞泄治以辛涼是也

三曰熱瀉經云少陽所主為暴注又云少陰之勝腹滿溇泄又云火鬱之發民病注下治以寒劑是也

四曰寒泄經云歲水太過寒氣流行病腸鳴溇泄又云太陽所至為流泄禁止又云太陽之勝寒入下焦傳為濡泄

治以熱劑是也

五日熱中寒中泄經云太陽司天之政三之氣寒氣行民病寒反熱中注下者是外寒內熱泄也又云長夏善病洞泄寒中者是外熱內寒泄也治以寒熱兼施是也

六曰燥泄經云歲木不及燥乃大行民病腸鳴澼泄又云陽明司天燥淫所勝民病腹中鳴注泄鶩泄又云陽明之勝清發於中澼泄又云陽明之復腹脹而泄治以溫劑是也

雜法

子和昔聞山東楊先生者治府主洞泄不止楊初未對病人與衆人談日月星辰纏度及風雷雲雨之變自辰至未而病者聽之忘其圍楊嘗曰治洞泄不已之人先問其所愛之事好棋者與之棋好樂者與笙笛勿輒

針灸  
針灸泄瀉獨取大腸一經經云大腸病者腸中攻痛而鳴

濯濯冬日中干寒即泄當臍而痛取巨虛上廉

劉治水漬入胃為溢飲滑泄渴能飲水水下復泄泄而大

渴此無藥症當灸大椎

脈諸下痢皆可灸足大都五壯商丘陰陵泉皆三壯

甲漉泄不化食寒熱不節陰陵泉主之

玉治久泄瀉內天樞穴天樞二寸半灸楠葉五

集自痢不止 天極 中極

世又法 合谷 三里 陰陵泉不應取 中脘 關元

天樞 神闕

輿泄痢不禁小腹絞痛 丹田灸百壯 泄痢不嗜食

長谷五十壯三報之在脇筋傍

石硫黃今人用治下元虛冷元氣將絕久患寒泄胃脾

虛弱垂命欲盡服之無不效中病當便已不可盡劑世人

蓋知用而為福不知用而為禍此物損益兼行若俱棄而不用當舍卒之間又可闕乎

產後泄瀉

丹治產後泄瀉惡露不行此餘血滲入大腸為瀉洞泄不禁下青白黑色用荆芥大者四五穗於盞內燒灰不得犯油火入麝香研湯三呷調下此藥雖微能治大病方名酌奇散產後泄方

茯苓

川芎

黃芩

白朮

乾姜

滑石

陳皮

芍藥炒

右水煎服之

殮泄

殮泄米穀不化而完出是也

脾氣下

素清氣在下則生殮泄

陰陽應象論○三陽云熱氣在下則穀不化故殮泄東垣云清氣在

下者乃人之脾胃氣衰不能升強陽氣故用升麻若  
胡助其辛之味以引元氣之升不令下陷為噎泄也

羅內經曰清氣在下則生噎泄又曰久風入胃中則為腸  
風殭泄夫脾胃土也氣冲和以化為事今清氣下降而不  
升則風邪久而干胃是木賊上也故冲和之氣不能化而  
令物完出所以謂之殭泄或飲食太過腸胃所傷亦致米  
穀不化此俗呼水穀利也法當下者舉之而消剋之也以  
加減木香散主之

木香

良姜

升麻

檳榔

人參

錢各二

肉苳蔻

吳茱萸

乾姜

泡各五分

神麩

錢炒二

陳皮

錢五分

砂仁

錢五分

右十一味為細末每服四錢水盞半煎至一盞去查食  
前溫服宜加白朮

河白朮湯治殭泄風冷入中泄利不止脈虛而細日夜數



行口乾腹痛不已

厚朴製

當歸去

龍骨各五

白木兩

艾葉

半雙  
炒

右為末每服三錢水一盞生姜三片同煎至八分去渣

空心溫服

治殘泄  
宜奪食

凡泄則米穀不化謂之殮泄是清氣在下乃胃氣不升

上古聖人皆以升浮藥扶持胃氣一服而愈知病在中焦脾胃也脉訣曰濕多成五泄濕者胃之別名也病本在胃真氣弱其氣者穀氣也不能剋化飲食乃濕盛故也以此論之正以脾胃之弱故也初病奪食或絕不食一二日使胃氣日勝泄不作也今已成大泄矣經云治濕不利小便非其治也又云下焦如瀆又云在下者引而竭之唯此症不宜此論其病得之於胃氣下流清氣不升陽道不行宜

升宜舉不宜利小便靈樞云頭有疾取之足謂陽病在陰也足有疾取之上謂陰病在陽也經曰陽病在陰陰病在陽此之謂也中有疾傍取之傍者少陽甲膽是也中者脾胃也脾胃有疾取之足少陽甲膽者甲風是也東方春也胃中穀氣者便是風化也作一體而認故曰胃中濕勝而成泄瀉宜助甲膽風勝以克之又是升陽助清氣上行之法也又一說中焦元氣不足溲便爲之變腸爲之苦鳴亦緣胃氣不升故令甲氣上行又云風勝濕也大抵此症本胃氣弱不能化食奪食則一日而可止夫奪食之理爲胃弱不能剋化食則爲泄如食不下何以作泄更當以藥滋養元氣令和候泄止漸與食胃勝則安矣若食不化者於升陽風藥內加炒麩同煎兼食入頓至心頭者胃之上口也必口沃沫或食入反出皆胃土停寒其右手關脈中弦

按之洪緩是風熱濕相合穀氣不行清氣不升為弦脉之  
 寒所隔故不下也麩之熱亦能去之若雷胃者更加半夏  
 生姜入於風藥內同煎奪食少食欲使胃氣強盛也若藥  
 劑大則胃不勝藥泄亦不止當漸漸與之今病既久已至  
 衰弱當以常法治之不可多服餌也人之肉如地之土豈  
 可人而無肉故肉消盡則死矣消瘦人有必死者八內經  
 者勿治

有七外經有一又病肌肉去盡勿治之天命也如肌肉不  
 至瘦盡當急療之宜先奪食而益胃氣便與升陽先助真  
 氣次用風藥勝濕以助升騰之氣病可已矣餘皆勿論此  
 治之上法也治用升陽除濕湯之類是也

寒熱羅加減木香散正方見

仲下利清穀裏寒外熱汗出而厥者通脉四逆湯主之方

寒傷

河白朮散治飧泄脉細方見上

垣治洩痢飧泄身熱脉弦腹痛而渴及頭痛微汗宜防風芍藥湯

防風

芍藥

黃芩

各等分

右麤末每服半兩或一兩水二盞煎至一半温服

梅治水穀痢久不瘥厚朴三兩黃連三兩坐細水三升煎取一升空心服

病生於風

素春傷於風夏生飧泄生氣通入論

久風為飧泄全文見診法

久風入中為腸風飧泄論

右久風入中為飧泄經云虛邪之中人也始於皮膚留而不去傳舍於絡脉留而不去傳舍於經留而不去傳舍於輪留而不去傳舍於伏衝之脉留而不去傳舍於腸胃在腸胃之時背脊腹脹多寒則腸鳴飧泄食不化

此久風入中為殭泄之義同也

水自內出宜灸宜參

潔古云太渴飲水多因致水穀一時下者宜灸大椎三五

壯或用車前子雷丸白朮茯苓及五苓散等藥參之詳見

大法條又如久風為殭泄者則不飲水而穀完出治法當

以宣風散導之後服蒼朮防風湯

宣風散方見小兒痘發熱條服之大便秘服後藥

蒼朮防風湯

蒼朮

去皮四兩

麻黃

一兩

防風

五錢

右麩末每一兩生姜七片水一盞煎至一半去渣溫服

如止後服後藥

補本丸

蒼朮

小椒去目炒各一兩

右為細末醋糊丸如桐子大每服五十九食前溫水下

一法惡痢久不效者彌佳小兒丸如米大

子和趙明之米穀不消腹作雷鳴自五月六月不愈諸醫以爲胃受大寒故併與聖散子益覺丸雖止一二日藥力盡而復作諸醫不知藥之非反責明之不思口戴人至而笑曰春傷於風夏必飧泄飧泄者水穀不化而直過下出又曰米穀不化熱氣在下久風入中中者脾胃也風屬甲乙脾胃屬戊己甲乙能剋戊己腸中有風故鳴經曰歲木太過風氣流行脾土受邪民病飧泄診其兩手脈皆浮數爲病在表也可汗之直斷曰風隨汗出以火二盆暗置床下不令病人見火恐憎其熱詒之入室更服漏劑以麻黃投之乃閉其戶從外鎖之汗出如洗待一時許開戶滅火一半須臾汗止泄亦止 內經曰春傷於風夏生飧瀉此以風爲根風非汗不出者有病此者腹中雷鳴泄注米穀

不分小便清滯皆以脾胃虛寒故耳服葶藶烏梅粟殼乾  
姜附子曾無一效中脘臍下灸已數千燥熱轉甚津液涸  
竭瘦削無力飲食減少命予視之余以應象論曰熱氣在  
下水穀不分化生飧泄寒氣在上則生臍脹而氣不散何  
也陰靜而陽動故也診其脉兩手皆浮大而長身表微熱  
用桂枝麻黃湯以姜棗煎大劑連進三服汗出終日至旦  
而愈次以胃風湯和其臟腑調養陰陽食進而愈

腸痺

河木香丸治腸痺多飲不泄上氣喘爭時發殮泄腹痛

木香

白朮

官桂

蕪荑

訶子皮

良姜

附子

厚朴

肉苳蔻

各一乾姜六錢

甘草

錢五

右爲末麪糊丸如桐子大每服二十九姜湯空心下

運氣

運氣殮泄皆屬風木攻脾經云歲木太過風氣流行脾土

受邪民病飧泄食減入云歲土不及風乃大行民病飧泄  
體重腹痛又云土不及曰卑監卑監之紀上角與正角同  
其病飧泄治以涼劑是也

針灸刺灸飧泄有三法

其一取脾經云脾虛則腹滿腸鳴泄食不化取其經足太  
陰陽明又云飧泄取三陰之上補陰陵泉皆久閉之熱行  
乃止又云飧泄取三陰者是也三陰者太陰也

其二取腎經云腎藏志志有餘腹脹飧泄瀉然筋血者是  
也然筋謂然骨視血絡盛則泄之

其三取肝經云肝足厥陰之脉所生病者胃滿嘔逆飧泄  
是也視感虛寒熱陷下施法也

渴飲水多水穀一時下者灸大椎三五壯立已

詳見大法

胃飧泄大腸痛巨虛上廉主之 又太衝主之



雜方

遺尿

天治產後遺尿取故燕巢中草燒灰研細酒調服五分男  
子亦治

又方 白礬 牡蠣

右等分爲末酒服方寸七日三男女同治

診 華病人臥遺尿不覺者死

滯下 久泄久痢 胎前痢 產後痢

之痢疾  
是也

丹痢初得時一二日間以利爲法有熱先退熱 後重者

當利氣木香枳榔腹痛用溫散藥姜桂之屬 下血當涼

血和血當歸桃仁之屬 下痛發熱惡寒身首俱痛此爲

表證宜微汗和解用蒼朮川芎陳皮芍藥甘草生薑三片

表裏煎 下痢身發熱者有外感用小柴胡去參 下痢發熱

久不止者屬陰虛用寒涼藥必兼升散藥并熱藥用下  
痢初發熱必用大承氣下後看症用藥發熱不惡寒脈  
洪者宜大承氣若惡寒者忌下下痢腹痛後重小水短  
下積此為裏証宜和中踈氣用陳皮芍藥滑石枳殼厚朴  
之類

芩芍藥湯治下血調氣經曰洩而便膿血知氣行而血止  
也行血則便自安調氣則後重自除

芍藥

兩一

當歸

兩一

黃連

各半兩

檳榔

木香

各二錢

甘草

錢一

大黃

錢一

黃芩

錢五

桂

錢一

右藥末每服半兩水二盞煎至一盞食後溫服如血前  
則漸加大黃如清後臟毒加黃栢半兩同煎服

利小便  
一老人年七十面白脉弦數獨胃脉沉滑因飲白酒作

痢下血淡水膿腹痛小便不利裏急後重以參朮爲君  
甘草滑石檳榔木香蒼朮爲佐下保和丸二十五丸第二日  
前症俱減獨小便不利以益元散服之安

河益元散治身發熱下痢赤白小便不利盪胃中積聚

虛實

高麗

丹痢初得之必用調胃承氣及大小承氣實者用此下之

下婁男子五十餘下痢晝有積淡紅色夜無積食自進先

喫小胃丹兩服再與四十九次六十九去積却與斷下

羅玄青丸治下痢勢惡頻併窘痛或久不愈諸藥不能止

須吐下之以開除瀉熱痞悶積滯而使氣液宣行者宜此

逐之兼宣利積熱酒食積黃瘦中滿水氣腫腹脹兼療小

兒驚疳積熱乳癖諸症

黃連

黃柏

大黃

甘遂

羌花

附片

大戟各五錢

輕粉二錢

青黛一兩

牽牛

末四兩

右為末研勻水丸小葦大初服十九每服加十九空心

日午臨臥三服以快利為度後常服十五丸數日後得

食力如利尚未痊再加取利後却常服以意消息病

去為度後隨症止之小兒丸如黍米大退驚疳積熱不

須下者常服十九

### 玄利積丸

黃連四兩

天水末八兩

當歸二兩

乳香一兩

蘿蔔子

炒四兩

巴苳

黃連一處炒

右為末醋糊丸如桐子大弱者十五丸實者二十五丸

治下痢赤白腹滿脹痛裏急上渴引飲小水亦澇此積

滯也宜泄其熱中用清腸丸導氣丸推其積滯而痢自

諸矣凡治積聚之症輕則溫而利之瀉腸丸是也重者  
氣少惡食此為挾虛症宜加白朮當歸身尾甚者加人  
參若又十分重者止用此藥加陳皮補之虛回而病自  
止矣

予族叔年近六十夏間患滯下病腹微痛所下褐色後重  
頻併飲食大減時有微熱察其脉皆弦而澹似數稍長却  
喜不甚浮大兩手相等視其神氣大減予曰此非滯下乃  
憂慮所致心血虧脾氣弱也與參朮為君歸身陳皮為臣  
川芎炒白芍茯苓為佐使如熱加黃連為使與兩月而安  
金氏婦年近四十秋初尚熱患滯下腹但隱痛夜重於晝  
全不得睡食亦稍減口乾不飲已服治痢靈砂兩貼矣予  
視之兩手脉等澹且不勻神思倦甚飲食全減因與四物

湯倍加白朮以陳皮佐之數貼而安

義一姪患瘧間日作蕪痢脉虛甚身痛宜活血補胃待虛稍回却又推積

人參分五

白朮錢一

蒼朮

陳皮各一錢

白芍藥炒五分

川芎五分

滑石炒一錢

甘草炙少許

桃仁研七分

藥後病退惟脉少弦身倦用此方調補

人參分九

蒼朮錢三

半夏分九

川芎錢一

陳皮錢一

木通錢二

甘草少

煎取三之一飲之可淡粥少少塞飢又靜坐養之

葉先生患滯下後甚逼迫正合承氣症但氣口虛形雖實而面黃積白此必平昔食過飽而胃受傷寧忍二三日辛苦遂與參朮陳皮芍藥等補藥十餘貼至三日後胃氣稍

完與承氣二貼而安苟不先補完胃氣之傷而遽行承氣恐病安之後寧免瘦憊乎

雜方

世治痢煙蠟丸黃蠟不拘多少用銀篦挑於真香油燈上燒薰落水碗內凡如此者七次爲丸如蘿蔔子大每二十丸白痢甘草湯下赤痢烏梅湯下

本後重  
白膿

本草云蜜蠟主下利膿血補中又云白蠟

葛治重下此即赤白痢火熬鼓令少焦杵服一合日三效無比又熬鼓令焦水一升淋取汁冷服治淋日三服有效食治脾胃氣虛下痢日夜不已腸滑不進食用野雉一隻如食法細斫着陳皮蔥椒調和鹽醬作餛飩熟煮空心食之

虛熱

丹噤口痢胃中熱甚大虛大熱故也用人參二錢黃連一錢姜炒濃煎汁終日細細呷之如吐再喫但一呷下咽便開又宜

封臍引熱下行用田螺肉搗碎臍中入麝香少許

世痢疾不納飲食者俗謂之噤口痢以脈症辨之如脾胃不弱問而知其頭疼心煩手足溫熱未嘗多服涼藥者此乃毒氣上衝心肺所以嘔而不食宜用敗毒散每服四錢陳倉米一百粒姜三片棗一枚水一盞半煎八分溫服若其脈微弱或心腹膨脹手足厥冷初病則不嘔因服鷲粟殼烏梅苦澁涼藥太過以致聞食先嘔者此乃脾胃虛弱用山藥一味剉如小荳大一半入銀瓦銚內炒熟一半生用同爲末飯飲調下 又方用石蓮槌去殼畱心并肉碾爲末每服二錢陳米飲調下此疾蓋是毒氣上衝心肺借此以通心氣便覺思食效

熱

暴注下迫皆屬於熱

全文見診

荷香連丸治下痢赤白裏急後重



黃連

去苦二十兩用吳茱萸十兩同炒令赤去茱萸不用

木香

四兩八錢不見火

右爲細末醋糊丸如桐子大每服三十丸空心飯飲下錢豈蔻香連丸治泄瀉不問寒熱赤白陰陽不調腹脹攻痛可用如神

黃連

三錢炒

肉苁蓉

木香

各一錢

右爲細末粟米飯丸黍粒大每服米飲下十九至三十九丸日夜各四五服食前

**杜**治氣痢瀉裏急後重神妙方宣連二兩乾姜半兩各爲末每用連二錢姜半錢和勻空心溫酒下

**羅**黃連阿膠丸治脾胃氣冷熱不調下痢赤白狀如魚腦裏急後重臍腹痛口燥煩渴小便不利

黃連

三兩去頭

茯苓

二兩去皮

阿膠

右各爲末水調阿膠和散衆手丸如桐子大每服二十

丸溫米飲湯下

仲熱利下重者白頭翁湯主之

方見傷寒

仲下痢膿血裏急後重日夜無度宜導氣湯

芍藥錢二

當歸錢五

大黃

黃芩各二錢半

黃連

木香

檳榔各一錢

右爲細末每服三錢水一盞煎至七分去渣溫服如未止再服下後重則止

瀉大瘕泄者裏急後重數至圜而不能便壅中痛用清涼飲子主之其泄自止壅中痛者屬厥陰加甘草裏急後重多者屬少陰加大黃今急推去舊物則輕矣內經曰因其重而減之又云在下者引而竭之

清涼飲子方見治發熱

裏急後重數至圜而不得便皆宜進退大承氣湯主之

進退承氣法

進承氣法治太陰症不能食是也當先補而後瀉乃進藥

法也先剉厚朴半兩姜製水一盞煎至半盞服若二三服未已胃有宿食不消加枳實二錢同煎服二三服泄又未已如不加食尚有熱毒又加大黃三錢推過泄未止者爲腸胃久有塵垢滑粘加芒硝半合垢去盡則安矣後重煎無虛有

者宜之若力倦氣少脈虛不能食者不宜此法蓋厚朴枳實大瀉元氣故也

退承氣法治陽明症能食是也當先瀉而後補乃退藥法也先用大承氣五錢水一盞依前法煎至七分稍熱服如瀉未止去芒硝減大黃一半煎二服如熱氣雖已其人心腹滿又減去大黃但與枳實厚朴湯又煎二三服如腹脹滿退泄亦自安後服厚朴數服則已

垣感應丸治下痢赤白後重遲瀋方見內傷飲食門

後重有邪塵

丹或曰治後重疎通之劑羅謙甫水煮木香骨東垣白朮安胃散等方已盡矣又有用御米殼等固澀之劑亦愈者

何也曰後重本因邪壓大腸墜下故大腸不能升上行

是以用大黃檳榔龍瀉其所壓之邪今邪已瀉其重仍在

者知大腸虛滑不能自此而重是以用御米殼等滑劑固

其滑收其氣用亦愈也外大腸為邪墜下之重其重至圍

有虛滑後不減大腸虛滑不收之重其重至圍後隨減以此辨之

百發百中也 其或下墜異常積中有紫黑血而又痛甚

有汚血此為死血症法當用搗細桃仁滑石行之或口渴及大便

口燥練是名挾熱即加黃芩或口不渴身不熱喜熱手熨

盪是名挾寒即加乾姜

八婦將產患痢脉細弦而稍數後重裏急

滑石三錢

芍藥二錢

枳殼炒錢半

木通二錢

甘草五分

白木二錢

茯苓一錢

桃仁每貼九枚研同前

青田人肚痢紅紫血下墜逼迫不渴不熱

白朮

芍藥

一兩

陳皮

枳殼炒

歸身

滑石

半兩

甘草

二錢

桃仁三十箇

分八貼下實腸丸三十粒

一丈夫因酒多下血肚疼後重成痢

滑石

半兩

連翹

黃芩

木通

芍藥

枳殼

白朮

二錢

甘草

五分

桃仁

一枚

分四貼服

後重積與氣墜下服升瀉藥不愈者用秦芫皂角子煨大

黃當歸桃仁枳殼黃連等劑若大腸風盛可作丸服

自古治裏急後重但用檳榔木香調氣及大黃下積至

丹溪始用桃仁滑石活死血如鼓應桴實發前人之所

未發也

氣

其或下墜在血活之後此為氣滯症宜前藥加砥礪一錢

後重當和氣積與氣墜下者當兼升蒸消升謂升麻之類消謂消石也

之神

仲泄痢下重者以水五升煮薤白三升至二升去查以四

逆散方寸七內湯中煮取一升半分溫再服東垣云法薤白泄瀉氣

食主赤白痢下雄白一握切煮作粥食

丹其或氣行血和積少但虛坐努責此為亡血症倍用當

歸身尾却以生地黃生芍藥生桃仁佐之復以陳皮和之

血生自安

垣虛坐而不得大便皆因血虛也血虛則裏急加當歸身

凡後重逼迫而得大便者為有物而然今虛坐努責而

不得大便知其血虛也故用當歸為君生血藥佐之

凡諸用承氣等藥挨積之後仍後重者乃陽不升也藥中

補血

當加升麻升其陽其重自去也

垣升陽除濕防風湯治裏急後重數至圜而不能便或少

有白膿或少血者慎勿利之

升陽除濕防風湯方見下血

積丹其或在下則纏滯在上則嘔食此爲毒積未化胃氣未平症當認其寒則溫之熱則清之虛則用參朮補之毒解積下食自進矣

治痢方

蒼朮

白朮

茯苓

當歸

白芍藥

青皮

生地

黃連

滑石

甘草

作一服水煎裏急後重加黃連滑石桃仁柝榔甚者大黃嘔者加半夏姜汁

寒  
世仲景建中湯治痢不分赤白久新但腹中大痛者神效其脉弦急或濇浮大按之空虛或舉按皆無力者是也方見

寒

芎藭長官年三十餘奉養厚夏秋間患瀉下腹大痛有人  
教服單煮乾姜與一貼漸定少頃痛作又與又定由是服  
乾姜三斤八日後召予視之左脉弦大似數右脉弦而大  
稍減亦似數重取之似緊予曰此必醉飽後吃寒涼大過  
當作虛寒治之因其多服乾姜遂教與四物湯去地黃加  
人參白朮陳皮酒紅花茯苓桃仁煎生姜汁飲之一月而  
安丹溪云下痢腹痛用姜桂溫散之  
法乃乾姜并建中湯加桂是也

聖治冷痢腹中不能食肉豈菟一兩去皮以醋麩裹煨熟  
搗非時粥飲下二錢七

右下痢腹痛必溫散而愈者蓋本於內經所謂寒氣客  
於小腸小腸不得成聚故腹痛後泄及所謂太陽病冬  
日感寒即泄當臍而痛之病也



熱

垣芍藥黃芩湯治泄痢腹痛或後重身熱久不愈脉洪疾者及下痢膿血稠粘

黃芩

芍藥各一

甘草五錢

右咬咀每服一兩水一盞半煎至一盞溫服無時如痛加桂少許

當歸導氣湯治膿血痢無度小便不通腹中痛

當歸

甘草一錢

芍藥一錢

青皮

槐花

炒各七分

木香

檳榔各三錢

澤瀉五分

生地黃

錢半或二錢酒浸除乾

右爲末水煎食前溫服如小便利去澤瀉

仲下痢腹痛紫參湯主之

紫參

斤半

甘草三兩

右二味以水五升先煮紫參取三升內甘草煮取一升

半分三次溫服

病按 厚朴丸治歲暮秋冬間腹痛下痢大效方見反胃

世治痢疾定痛點子丸

黃蠟五錢

杏仁

江子

砂仁各廿粒

右三件香油燈上燒存性銻蠟和勻加乳香些少丸如米大每服十餘粒

本治積痢定痛靈砂丹

硃砂

硃砂各等分研極細

右用黃蠟五錢巴豆三七粒去殼皮膜同於銀石器內重湯煮一伏時候巴豆蒸黑為度去二七粒止用一七粒與前藥二味同研極勻再銻蠟和藥旋丸菴荳大每服二丸至五丸水瀉生薑湯下白痢艾湯赤痢烏梅湯下服時須極空心服畢一時不可吃食臨臥尤佳次食

淡粥一日瘥疾乳香湯面東不發日晚間服此藥不動  
氣服之瀉者止痢者止者愈有積者內化亦不動臟  
腑大凡痢有沉積者不先去其積雖暫安後必爲害常  
記陳侍郎經中庚戌秋過儀真求診初不覺有疾及診  
視肝脈沉弦附骨取則牢予曰病在左脇有血積必發  
痛陳曰誠如是前某守九江被召冒暑涉長江暨抵行  
朝血痢已數日矣急欲登對醫者以剛劑燥之雖得止  
數日臍下一塊大如盂旬日如碗大痛發則不可忍故  
急請公祠以婦耳柰何予曰積痢不可強止故積血結  
於臍脇下非抵當丸不可渠疑而不肯服次年竟以此  
終

羅陳迺丸治腹中冷痛磨積止痢

陳迺丸

乾姜

官桂

白朮

當歸

厚朴

人參

甘草炙 半兩

右為細末煉蜜丸如桐子大每服三五十丸酒送下或淡醋湯亦得食前一日三服發時不拘增數

右久病漸換其積方

初病宜下

脈下痢而腹滿為實當下之

凡初下痢腹痛不可用參朮然氣虛胃虛者可用初得之亦可用大承氣調胃承氣下之看其氣病血病然後加減用藥 氣用參朮 血用四物 因積作後重者保和丸主之五日後不可下脾胃虛故也

氣鬱

腹痛者肺經之氣鬱在大腸之間者以苦梗發之然後用

多作

治痢藥氣用氣藥血用血藥 其或痢後精粕未實或食滯稍多或飢甚方食肚中作疼切不可驚恐常以白木陳

皮各半煎湯和之自安 粥多及食肉作痛者宜奪食奪

食者減其粥食絕其肉味也

水宜分

暄夜苓湯治因傷冷水濕變作赤白痢腹痛減食熱燥四

肢困倦無力

茯苓分六

澤瀉

梔身分四

芍藥分一錢

蒼朮分二

生薑分二錢

肉桂分五

黃芩分三分

猪苓分六

甘草分五分

升麻

柴胡分一錢

一本無升麻柴胡

右吹咀作二服水煎稍熟食前服

羅神效越桃散治下痢之後小便利而腹中清滿不可忍  
此名陰陽反錯不和之甚也

大梔子

良姜分三錢

右爲末米飲或酒調下三錢

赤白

內經膿血稠粘皆屬相火夫太陰主瀉少陰主瀉是先洩

忘津液而火就燥腎惡燥居下焦血分其受邪者故便膿血然赤黃為熱青白為寒治須兩審治熱以堅中九苦蕤九香連丸治寒白膠香散或多熱少寒承煮木香膏虛滑頻數宜止宜清宜養咸湯木香養蕤湯並見虛滑白膠香散未效堅中丸治脾胃受濕滑泄注下

黃連

黃栢

赤茯苓

澤瀉

白木各一

陳皮

肉苁蓉

白芍藥

人參

官桂

半夏鹽五

右為末湯浸蒸餅為丸桐子大每服五七十九丸溫米飲

送下食前服

**丹**下血用四物為主當涼血和血當歸桃仁之屬

**深**漫而便膿血者小腸泄也脈得五至已上洪大者宜七

**宣**九脈平和者立秋至春分宜香連丸春分至立秋宜芍

用藥陸宏身

藥栢皮丸四時皆宜。加減平胃散如有七宣丸症者亦宜服此藥去其餘邪兼平胃氣。

芍藥栢皮丸方 芍藥 黃栢皮等

右為細末醋糊丸如桐子大每服五十九丸食前溫湯下。加減平胃散經云四時皆以胃氣為本久下血則脾胃虛損血水澆於四肢却入於胃而為血痢宜服此滋養脾胃。

白朮

厚朴

陳皮各一

檳榔三錢

甘草計

木香三錢

桃仁

人參

黃連

阿膠

茯苓各五錢

右咬咀每服五錢姜三片棗一枚水煎溫服無時。血多加桃仁 熱泄加黃連 小便澀加茯苓澤瀉 氣不下後重加檳榔木香 腹痛加官桂芍藥甘草 膿多加阿膠 濕多加白朮 脈洪大加大黃

食積  
四下血多土食積與熱或有用朴硝者

蒼朮

白朮

黃芩

芍藥

滑石

茯苓

甘草

陳皮

神麩炒

煎下保和丸

醫治痢食積

附米

神麩

川芎

梔子

滑石

山楂

紅麩

青黛

桃仁

為末丸服

沙熱

四青六九去三焦濕熱治泄瀉多與清化丸同服並不單

服兼治產後腰痛或自利者能補脾補血亦治血痢效

六一散三兩即  
益元散

紅麩半斤  
活白

右飯為丸一方酒糊丸

二十九寶肚痛食少下墜赤積身熱



木通

二錢 芍藥

陳皮

白朮

滑石

五錢 甘草

分四貼煎下保和丸與煎丸各十九

槐花丸治血痢久不止腹中不痛不裏急後重

蒼木

三兩 地榆

右剉每一兩水二盞煎一盞服

槐花丸治血痢久不止腹中不痛不裏急後重

青皮

槐花

荆芥穗

右為末水煎空心溫服

內案

疝小腸有寒者其人下重便血

藥治血痢神效乾姜於火上燒過不令成灰磁礬各等分

為末每服一錢米飲調下

白朮

隨大便後有白膿或只便白膿因勞役氣虛傷木膠也

勞熱

黃芪人參補之如裏急頻見汚衣者血虛也更如常  
如便白膿少有滑頻見汚衣者氣脫加附子皮其則加御  
米穀如氣滯者只以甘藥補氣常安臥不言以養其氣  
忌海米棧但服  
此藥安臥不言

丹丈夫辛苦勞役肚痢白瀉

滑石兩一

陳皮

白朮錢六

芍藥錢五

黃芩錢三

甘草錢五分

桃仁三十

分六貼水二盞半煎取一盞食前服

飲積

孫郎中因飲水過多腹脹瀉痢帶白

蒼朮

厚朴

白朮

茯苓

滑石

下保和丸又云加炒麴甘草

身積脈  
榮為熱

治痢熱多者

大黃

黃連

黃柏

黃芩

枳殼

白芍藥

當歸

滑石

甘草

桃仁

白木

右等分為末麪糊丸

世不問赤白痢用苦黃根不拘生乾搗取汁生薑蜜水調服未效再進半碗許立愈

集思赤白痢山荳根搗末蜜丸空心煎水下二十九三服

正

子治下痢冷熱諸治不瘥方

烏頭

黃連格一

右二味為末蜜和丸如桐子大下二十九日三夜二神

妙

世治似痢非痢挾熱者用苦棟根皮

去粗皮晒乾

右為末粳米飲為丸米飲下

卷之八

至元乙亥應臺王千戶領兵鎮漣水此地卑濕因勞役過度飲食失節至秋深瘧痢併作月餘不愈飲食全減形容羸瘦時已仲冬求治於予具陳其由診得脉弦細而微如蛛絲身體沉重手足寒逆時復麻痺皮膚痲疥如癩風之狀無力以動心腹痞悶嘔逆不止皆寒濕爲病久淹真氣衰弱形氣不足病氣亦不足陰陽皆不足也針經云陰陽皆虛針所不爲灸之所宜內經云損者益之勞者溫之十劑云補可去弱先以理中湯加附子溫養脾胃散寒濕澁可去脫養藏湯加附子固腸胃止泄痢仍灸諸穴以併除之經曰府會太倉即中脘也先灸五七壯以溫養脾胃之氣進美飲食次灸氣海百壯生發元氣滋榮百脉克實肌肉復灸足三里胃之合也三七壯引陽氣下交陰分亦助胃氣後又灸陽輔二七壯接續陽氣令足脛溫暖除清

濕之邪迫月餘病退平復

理中湯

方見傷寒部加附子名附子理中湯

澀六脉沉緊按之不鼓膀胱小腸也或瀉痢不止而腹脹或純便赤血或雜以血膿小便不多而不渴精神短少或面白色脫此失血之故也或面黃氣短此本氣損少之故也小腸者手太陽丙火也膀胱者是太陽壬水也是壬水乘兩小腸之位小腸被壬所剋而外走也諸手經短而足經長兼五行相剋論之又足經來剋手經此火投於水大寒水之症宜溫之可安其與雜經一症寒熱相反亦名曰小腸瀉此病火投于水變為寒症又外傷足太陽膀胱經左脉俱浮表陽之候也忽變為內寒亦旺火投盛水而屈丙就壬化脉反不浮而微沉此內病與外病俱有此火投水例非精於脉診者孰能辨之

石脂神砂丹

生附子

乾姜各五錢

赤石脂

兩半

硃砂一分

右細末酒糊丸黑豈大每服十五丸米白湯下

太平廣記真觀中太宗苦於氣痢衆醫不效詔問薛臣中  
有能治者當重賞之有術士進以乳汁煎葦撥服之立瘥  
世治水泄併赤白痢用草烏大者一兩半將一半燒灰一  
半生用爲細末醋糊丸如棗豈大每服七丸赤痢甘草湯  
下白痢乾姜湯下水瀉并花水下並空心服忌腥臊熱毒  
諸冷物

法夏秋治

世俗治夏中暑痢疾用黃連香薷飲加甘草芍藥生姜神  
效者蓋夏月之痢多屬于暑潔古治處暑後秋冬間下痢  
用厚朴丸大效者蓋秋冬之痢多屬于寒經所謂必先歲  
氣毋伐天和者是也厚朴丸方見初病大腸閉塞裏急  
後重治法並見前後重治法並見前

勿病  
以當  
腸胃

川其或纏滯退減十之七八穢積未盡糟粕未實當以炒  
 為藥炒白朮炙甘草陳皮茯苓煎湯下固腸丸三十粒然  
 固腸丸性燥恐尚有滯氣未盡行者但當單飲此湯固腸  
 丸未宜遽用蓋固腸丸者雖有去濕實腸之功其或久痢  
 體虛氣弱滑泄不止又當以訶子肉荳蔻白礬半夏等藥  
 瀉之甚者添牡蠣可擇用之然須以陳皮為佐恐太瀉亦  
 能作疼又甚者炙天椒氣海此穴大能止泄

寒滑  
 仲下痢便膿血者桃花湯止之方見傷寒若一服愈勿再服丹溪云桃花湯主病屬下焦血虛且寒非乾姜之溫石脂之澁且重不能止血用粳米之甘以引入腸胃

羅水煮木香腎治脾胃受濕臟腑滑泄腹中疼痛日夜無  
 度腸鳴水聲不思飲食每欲痢時裏急後重或下赤黃或  
 便膿血並宜服之

木香

丁香各一兩

枳實共炒五錢

當歸

乳香

訶子皮

肉苳蔻

砂仁

各一兩半

藿香

黃連

白芍藥

青皮

陳皮

去白

厚朴

甘草

炙各一兩

乾姜

炮五錢

御米

煨六兩水炒

右爲細末煉蜜丸彈子大每服一九水一大盞劈破煎

至六七分和查稍熱食前服

濕易簡斷下湯治下痢赤白無間新久長幼

白朮

茯苓

各一錢

甘草

五分

草果

連皮一箇

右咬咀用鶯粟殼十四枚去筋膜并萼蒂剪碎用醋淹

爲倉末用作一服水一大碗姜七片棗子烏梅各七箇

煎至一大盞分二服服之赤痢者加烏豈二粒白痢者

加乾姜五錢鶯粟殼治痢服之如神但性緊瀉多令人

嘔逆既以醋制加以烏梅不致爲害然嘔吐人則不可



服大率痢疾古方謂之滯下多因腸胃素有積滯而成此疾始得之時不可遽止先以巴菝感應丸十餘粒白梅湯下令大便微利仍以煎藥服之無不應手作效若脾胃素弱用荳蔻橘紅鶯粟殼各等分爲末醋煮麩糊爲丸桐子大每服五十九丸烏梅湯下兼治泄瀉暴下不止一服即愈更令藥力相倍爲佳如覺惡心却以理中湯四物湯加荳蔻木香薑調其胃氣仍以二陳湯煮木香丸定其嘔逆大凡痢疾乃腹心之患尊年人尤非所宜若果首尾用平和之劑決難作效必致危篤雖欲服此則已晚矣其秦茂地榆黃栢木通之類其性苦寒却難輕服、血痢當服胃風湯并膠艾湯之類 白者宜服附子理中湯震靈丹之屬更宜審而用之 若五色雜下世爲無時當用熟烏頭一兩厚朴乾姜甘草各一

熱滑

分生薑煎服 今之治痢多用駐車丸黃連阿膠丸二  
類其中止有黃連肥腸其性本冷若所感積輕及餘痢  
休息不已則服之取效若病稍重則非此可療

世治痢

側柏葉一

甘草三

御米殼

去頂穢湯洗三次  
晒乾蜜拌炒黃

錄久者  
倍之

右咬咀水煎熟澄清入蜜呷服之先服木香檳榔丸後  
服此妙

本又方

黑薑五

陳皮半

鶯粟殼十

甘草

右四味半生半炒水煎空心服盡此一劑無不效者

通白木安胃散治一切瀉痢無問膿血相雜裏急窘痛日  
夜無度又治男子小腸氣痛及婦人臍下虛冷并產後兒

枕藉虛弱寒熱不止者

御米殼

三兩去頂穰  
若醃煮一兩

茯苓

白朮各一

烏梅

取肉一兩  
錢炒

車前子

五味子

右為末每服五錢水煎溫服

經治腸滑久痢神妙以石榴一箇劈破炭火簇燒令烟盡急取出不令作白灰用碗蓋一宿出火毒為末用酸石榴一箇煎湯調二錢

聖治痢久不止腸垢已出以烏梅二箇水一盞煎取六分去查食前分為二服

山治痢用五倍子為丸赤痢甘草湯下白痢乾姜湯下各十九

服肛

頤訶子皮散癸卯歲冬十月小雪天冷應時樞密院白家一老僕面塵脫色神氣特衰長跪於前曰病脫肛日久服

藥未驗近日復下赤白膿痢作裏急後重白多赤少不任其苦求予治療予曰此非肉食膏粱者也必多蔬食或飲食不節天氣已寒衣蓋又薄寒侵形體不禁而腸頭脫下者寒也滑也真氣不禁形質不收乃血脫也此乃寒滑氣泄不固故形質下脫也當以澁去其脫而除其滑以大熱之劑除寒補陽以補氣之藥升陽益氣以微酸之味固氣上收名之曰訶子皮散

御米殼

五分去花  
萆蜜炒

乾姜

六分

陳皮

五分

訶子皮

七分煨  
去核

右咬咀水煎服或為白湯調服亦可若空心一服減半

再服全愈

羅養臟湯治大人小兒腸胃虛弱冷熱不調臟腑受寒下痢去白或便膿血有如魚腦裏急後重臍腹疼痛日夜無

度胃腸痞悶脇肋脹滿全不思食及脫肛墜下酒毒濕毒  
便血諸藥不效者並宜服之

人參

當歸各六錢

木香一兩四錢

肉桂八錢

肉蔻

好裏螺半兩

白芍藥二兩

甘草六錢

白朮六錢

御米殼

蜜炙三兩

訶子皮二兩

去核一錢

右咬咀每服二大錢水煎去查食前溫服老人孕婦小  
兒暴瀉急宜服之立愈忌酒麪生冷魚腥油膩物臟腑  
滑泄夜起久不瘥者可加附子四片煎服此藥神效不  
可具述

保治泄痢膿血乃至脫肛者宜地榆芍藥湯

蒼朮

兩八

地榆

卷栢

芍藥各三錢

右咬咀每服二兩水煎溫服病退勿服

大孔開世治痢大便不禁其大孔開如空洞不閉者用慈和花椒

末搗爛塞穀道中併服酸澁固腸之劑收之如御米  
子皮之類是也神效

大孔痛

丹陳伯夫年二十歲性急好酒色奉養厚適有事多憂恐  
患久瘡寒熱無時忽一日大發熱大便所下皆是積滯極  
臭大孔極痛呻吟不絕其孔陷下囑付後事予曰此大虛  
也脉皆弦大而浮遂以瓦片令敲圓如銅錢狀燒紅投童  
子小便中急取起令乾以紙裹安痛處其時寒恐外寒乘  
虛而入也以人參當歸陳皮作濃湯飲之食淡味至半月  
而安

久下赤白大孔痛不可忍炒鹽熨之又炙枳實熨之

後冊

痢久大孔急痛亦有寒熱者熟艾黃蠟訶子燒薰之妙

子

下痢大孔痛因熱流于下檳榔木香黃連黃芩加乾姜

運氣運氣下血有二

其一熱助心血盛而血下經云少陰司天熱淫所勝民病血泄溺色變又云少陽在泉火淫所勝民病溺赤甚則便血又云歲金不及炎火乃行民病血便注下又云厥陰司天風氣下臨火縱其暴赤沃下注治以醎寒是也

其二寒攻心血虛而下經云太陰司天寒淫所勝血變于中民病血泄又云太陽之勝血脉凝泣或為血泄又云陽明司天之政四之氣民病血便治以諸熱是也

運氣下白皆屬火經云少陽司天客勝甚則下白溺血是也

運氣下赤白有三

其一屬火經云少陽司天火淫所勝民病泄注赤白又云少陽在泉火淫所勝民病泄注赤白少腹痛注下赤白治

以甘清是也

其二屬風經云厥陰之勝腸鳴飧泄少腹注下赤白治以甘清是也

其三屬風濕經云太陽司天之政四之氣風濕交爭民病注下赤白是也

運氣裏急後重有二

其一濕助脾盛而重經云太陰之勝少腹滿腰脰重強內不便善注泄是也

其二風攻脾虛而重經云厥陰司天風溼所勝民病澹泄癉水閉是也癉謂後重也

雜方

本救命延年丸治丈夫女人一切重痢

黃連

乾姜

當歸

阿膠

右三件爲末用米醋煮阿膠令消盡不可剩却將藥搜



醋丸如桐子大每服三十九飯飲吞下甚妙

又方 茱萸

黃連

阿膠

白芍

等分同炒黃

右為細末麩糊為丸如桐子大每服三十九陳米飲送

下小兒十九

陳無擇無阿膠各成已丸

關阿膠梅連丸治下痢無問新久赤白青黑疼痛諸症

阿膠炒研極細

烏梅肉炒

黃栢炒

黃連

當歸

赤芍藥

乾姜炮

赤茯苓

各等分

右為末入阿膠末研勻水丸桐子大米飲下

黃連丸治赤白痢

吳茱萸

黃連

右用好酒同浸三日各自為末各自丸白痢茱萸丸赤

痢黃連丸甘草湯下赤白痢二丸相和服

右四方寒熱蕪施收散蕪用之劑寒熱滑滯雜合為痢

者宜之

崔治痢方以生薑切如麻粒大和好茶一二碗任意呷之  
愈若熱痢則留薑皮冷則去皮炒 又方用陳皮艾葉濃  
煎湯服

針灸滯下獨取足太陰一經經云脾足太陰之脉所生病者澹  
瘕泄水視盛虛熱寒陷下取之也

陳泄痢不禁小腹痛後重便膿血

丹田一寸

復溜

小腸俞

灸七壯  
不取

天樞

腹哀

胃下

一寸

冷痢腹痛泄注赤白

關元

窮谷

各灸五  
十壯

泄痢及下失氣膿血

下腰

五十壯穴在八髎正中央  
脊骨上灸名三宗骨三報

之 便膿血久痢下重

小腸俞

灸

世裏急後重

合谷

外關

甲便膿血寒中食不化腹中痛腹裏主之

澹瘕腹中痛

臟痺地機主之

宜忌

凡予族叔形色俱實瘥瘥又患痢自恃強健能食絕無忌  
憚一日召予曰却健而能食但苦汗出耳汝能止此汗否  
予曰瘥瘥非汗不能愈可慮者止健與能食耳此非痢也  
胃熱善消脾病不化食與積勢已甚矣此時宜節擇飲食  
以養胃氣省出入以避風寒候汗透而安叔曰世俗謂無  
飽死痢疾我今能食何謂可慮予曰痢而能食者知胃氣  
未病也故言不死非謂恣食不擇節者不從所言恣口大  
嚼過多又啖水菓如此者月餘後強求治不可着手矣淹  
淹又月而死內經以驕恣不論於理爲不治之病信哉  
又周其姓者形色俱實患痢善食而易飢大嚼不擇者五  
月矣予責之曰病中當調補自養豈可恣味戕賊遂教其  
只用熟蘿蔔吃粥且少與調治半月而安

羅如瀉痢止脾胃虛難任飲食者不可一藥用剋伐之劑  
宜補養充足自然能飲食也宜錢氏方中具功散設或喜  
嗜飲食太過有傷脾胃而心腹痞滿惡心嘔逆不拘此例  
當權用橘皮枳朮丸一服得快勿再服若飲食調節不致  
有傷則胃氣自和平矣

丹下痢久甚者寒涼藥中必兼升散并熱劑初下痢不可  
用參朮唯氣虛者用之

衍有一男子暑月患血痢醫妄用寒藥逆制專用木香黃  
連阿膠治之此藥始感便用則可倘病久腸虛者不宜服  
切宜戒之 地榆性沉寒苦惟下焦熱血痢則可用若虛  
寒人及水瀉白痢未可輕使

丹古方用厚朴專為瀉積滯之氣然厚朴性太溫而散氣  
久服大能虛人滯氣稍行即去之餘滯未盡宜炒枳殼陳

皮然枳殼亦能耗氣比厚朴雖少緩比陳皮亦為重若滯氣退一半亦當去之只用陳皮以和衆藥然陳皮去白用有補瀉之兼能若為參朮之佐亦純作補藥用

久泄久痢

丹予族叔年七十稟壯形瘦夏末患泄痢至秋百方不應

臟腑有積在上宜吐

予視之病雖久而神不瘁小便濇少而不赤兩手脈俱溢而頗弦自言曾微悶食亦減因悟曰此必多年沉積癖在腸胃詢其平生喜食何物曰我甚喜食鯉魚三年無日不用予曰積痰在肺肺為大腸之臟宜大腸之不通也當與澄其源而流自清以茱萸陳皮青蔥蘆薈首根生姜煎濃湯和以砂糖飲一碗許自以指探喉中至半時吐痰半升如膠其夜減半次日早又服又吐半升而痢止又與平胃散加白朮黃連旬日而安 朱仲符年近七十右手風變多年

在下宜

七月患泄瀉百藥不愈，脘其脈右手浮滑而洪，數寸曰此必太陰分有積痰，肺氣壅滯不能下降，大腸虛而作泄。當治上焦，遂用蘿蔔子加漿水蜜探之，而吐得痰一塊，大如椀色，如琥珀稠粘如膠，痢遂止。不服他藥。龍骨一木作鹿角無考

子和東門一男子病泄痢不止，腹鳴如雷，不敢冷坐，坐則

下注如傾，諸醫例斷為寒症，官桂乾姜丁香荳蔻枯礬龍骨之屬皆服之矣，針灸無效，遷延已二十載矣。一日問于戴人，戴人曰：兩手寸脈皆滑，予不以為寒，然其所以寒者，水也。以茶調散湧寒水五七升，又以無憂散泄積水數十行，乃通。因通用之法也。次以五苓散淡劑滲泄利水道，又以甘露散止渴，不數日而冷食寒飲皆如故。此法王啓玄言之矣，柰無人用之何哉。太康劉倉使大便少而頻，日七八十次，常於兩股間懸半枚瓠，盧戴人見而笑之曰：便

既頻而少欲通而不得通也何不大下之此通因通用也  
止宜一服藥之力乃與藥大下二十餘行頓止

潔治泄痢久不安膿血稠粘裏急後重日夜無度宜大黃  
湯用大黃一兩剉用好酒兩大盞浸半日同煮至一盞半  
去渣分為二次頓服之痢止停服未止再服以利為度又  
服芍藥湯以和之所以徹其毒也乃藥湯方見  
潘下和裏條  
保白朮黃芩湯服前藥痢已除宜以此和之

白朮一斤

黃芩七錢

甘草三錢

右咬咀水煎去渣溫服

州有人每早須大瀉一行或腹痛或不腹痛空心服熱藥  
亦無效有人教以夜食前又進熱藥一服遂安後如此常  
服愈蓋暖藥雖平旦服之至夜力已盡無以敵一夜陰氣  
之故也

本治腎泄五味子散

五味子二兩

吳茱萸半兩

右二味炒香熟研為細末每服二錢陳米飲下有一人每五更將天明時必溇痢一次如是數月有人云此名腎泄腎感陰氣而然服此頓愈

每日早起瀉一二行俗謂之受肚瀉是也其症有二一屬寒積在內即前二條之症是也一屬食積在脾胃治翁仲政久泄早必泄一二行泄後便輕快脉滑而少弱先與厚朴和中丸五十九丸大下之後以白朮為君枳殼茯苓半夏為臣厚朴炙甘草連川芎滑石為佐吳茱萸十餘粒為使生姜煎服十餘貼而愈

熱性太仲下痢已瘥至其年月日時復發者以病不盡故也當下之宜大承氣湯



本治痢冷在腸胃間頻年腹痛泄瀉休作無時服諸熱藥不效宜先取去然後調治不可畏藥以養病也

厚朴

乾姜

甘草

桂心

附子生

大黃生細切水一盞浸半日煎汁用之

右咬咀水二升半煎八合後下大黃汁再煎六合去渣分三溫服服自夜至曉令盡否則更以乾姜丸佐之

乾姜丸

乾姜

巴菀去心研

人參各一兩

右除巴菀餘為末同研煉蜜丸如桐子大食前用湯吞下一丸陳米飲亦得

有人因憂愁中傷食結積在腸胃欲發吐利自冬後至暑月積傷發暴下數日不已玉函云下痢至隔年月日應期而發者此為有積宜下之止用溫脾湯尤佳如難下可佐

以乾姜丸後服白朮散

白朮

木香

附子

人參各等分

右細末每服二錢水一盞生姜三片棗子一箇煎六分  
溫服

汚血

丹東陽胡兄年四十歲患痢百餘日百法治不效時正九月初旬予診其六脉促急沉弦細弱托左手爲甚晝夜十行視之穢物甚少雖下清涕中有紫黑血絲食全不進予曰此非痢也當作瘀血治之其兄問瘀血何事而致予曰飽食急走極力叫罵歐打顛撲多受疼痛盛怒不泄補塞太過大酒大肉皆能致之彼云去歲枉受責杖經涉兩年恐非此等瘀血予曰服吾藥得瘀血下則生矣以桃仁乳香沒藥滑石佐以檳榔木香用神麩糊爲丸以米飲下五粒至夜半又不動又依前法下二百粒至天明下穢如爛

風邪內

魚腸者二升半困頓終日漸與粥食而安

久泄是風邪內縮先煎小續命湯以發其汗使邪氣不能  
侵於外然後治其痢秋冬間下痢併治者胃加減厚朴丸  
大妙

此症係風邪縮於內其症下痢不止寸脈沉而遲手足  
厥逆下部脈不至咽喉不利或嘔吐膿血爲難治宜麻  
黃升麻湯或小續命湯以發之法曰表邪縮于內當散  
邪於四肢布於絡脈外無其邪臟腑安矣有食積者加  
枳實五錢如酒入而泄瀉此熱也加黃芩五錢麻黃升  
麻湯見

傷寒小續命  
湯見中風

通因通

子和李德卿妻因產後病泄一年餘四肢瘦乏諸醫皆斷  
爲死症求治戴人戴人曰兩手脈皆微小乃痢病之生脈  
况洞泄屬肝經肝木克土而成此疾亦是腸澼者腸中

有積水也先以舟車丸四五十粒又以無憂散三四錢  
四五行人皆駭之病羸如此尚可通耶眾人踞凝然未敢  
謂且更看之復以導飲丸又通之渴則調飲五苓散向晚  
使人伺之已起而緝麻前後約三四十行以胃氣湯調之  
半月而能行一月而安健 劉德源病洩逾年食不進  
肌瘦力乏行步欹傾面色黧黑舉世治痢之藥皆用之無  
效戴人先以舟車丸無憂散下十餘行殊不困已頗喜食  
後以檳榔丸磨化其滯待數日病已大減戴人以爲去之  
未盡當再服前藥德源亦欣然請下之又下五行次後數  
日更以苦劑越之往問其家彼云已下村中收索去也

酒肉積丹一丈夫酒多病泄久不愈又自進附椒等食不進洩愈  
多

消石

黃芩半兩

乾姜

黃連

樗皮

粥為丸每服一百丸

予治方憲可二三年久泄下積但食肉則甚脉右關滑左沉細先以厚朴丸三四十粒下之次奪其食用補劑加二陳及朴連查榔等消導藥煎湯下厚朴丸五粒阿魏丸二十五丸服之五六日漸得下氣多而泄不止遂間服固腸丸泄漸止即安是知固腸丸之苦寒治酒肉積之要藥也

厚朴丸方見前

虛寒

垣聖餅子治瀉痢赤白臍腹撮痛久不愈者

黃丹

蜜陀僧各二錢輕粉許少

定粉

研黃各二錢

右為細末入白麩四錢和水丸如桐子大捻作餅子陰乾食前溫漿水磨服以大便秘色為效

衍義云黃丹治久積

丹脾泄常大補脾氣而健運之

瀉肉苳丸治腎泄久不愈脉沉細無力者效

破故紙

肉苳蔻

麩裹煨  
各等分

右爲末粟肉丸如桐子大米飲空心下

世固中丸治脾久泄去後與氣不快者

蒼朮

肉苳蔻

煨各  
兩

右粥丸桐子大每服五十九於固中丸內加破故紙一

兩名固下丸治腎久泄

丹泄瀉丸治久病大腸氣泄

熟地錢

芍藥炒

知母各三、升麻

乾姜錢

生甘草錢

右爲末白湯調服再服百會三五壯

又方 白朮

神麩

芍藥炒

或散或丸

子服愈

垣治老人奉養太過飲食傷脾常時脾泄

白朮

兩

白芍藥

酒炒 神麩 兩半

山查

兩

半夏

兩

黃芩

兩半

右為末青荷葉燒飯丸

虛滑

本治腎泄宜五味子散

方也早

訶黎勒丸治休息痢晝夜無度臍腹撮痛諸藥不效

椿根白皮

兩

訶子

兩

毋丁香

二十粒

右為細末醋糊丸如桐子大每服五十九丸陳米飲湯入

醋少許一日三服效

積根乃椿根俗所謂虎眼樹是也

本木香散治隔年痢不止并治血痢尤捷

木香

判用黃連 兩同炒

當粟殼

判用生薑 兩同炒

甘草

兩

右為細末入麝香少許每服一錢陳米飲下

雜方

世治久瀉不止用百草霜研細以粥糊為丸白湯下

張文仲治痢久下經時不愈者此名休息痢取大虫骨炙

焦搗末調服日三七效

子治赤白痢積年不瘥飲湯調雲母末方寸七兩服效

又治血痢用千年石灰五升熬黃以水一斗攪令澄清一服日三升

胎前下痢

本治婦人胎前產後赤白痢

生姜

年少青百錢老者二

鴨子

一箇打碎入姜汁內攪勻

右二味煎至八分入蒲黃三錢煎五七沸空心溫服立效

無雄媛下痢赤白絞刺疼痛

鷄子

一枚烏鷄者佳傾出清酒黃用

黃丹

一錢入鷄子殼內打令勻以厚紙糊牢

沈因清火上升倍統例爲細末



右每服二錢米飲調下一服愈者是男二服愈者是女

天治姪娠素弱頻併下痢腹痛羸瘦面色痿黃不進飲食

厚朴一作兩 白朮 川芎 白芍藥

熟地 當歸 乾姜 人參各一兩

訶子三錢 甘草一錢

右以咀每服四錢姜三片同煎

又方治姪娠下痢腹痛小便澀

當歸 黃芪各一兩 糯米一合

右細切和勻水煎分四服

羅大寧散治姪娠下痢赤白灰色泄瀉夜痛垂死者

黑荳三十粒 粟殼二兩半 甘草二兩半

右為粗末都作一服生姜三片同煎食前服神效

後熱 天治姪娠挾熱下痢亦治男子常痢

黃連

黃栢升

山梔仁二十

右咬咀每服五錢水二盞浸二時久煮十沸頓服若嘔  
加陳皮一兩半姜三兩

黃連湯治妊娠下痢赤白膿血不止

黃連八分

厚朴制

阿膠炙

當歸

乾姜各六分

艾葉

黃栢各四分

右為細末空心米飲調下方寸匕日三服

潘氣厚朴散治妊娠下痢黃水不絕

厚朴三兩

黃連三兩

肉苳菹一枚連皮用

右為齋末水煮頓服

葶藶飲治妊娠氣本虛脾胃少弱臟腑虛滑腹脹疼痛

日夜無度

厚朴姜制

肉苳菹一枚連皮用

葶藶一兩

右咬咀每服三錢姜三片同煎

產後痢

雲救急散治產後赤白痢腹中絞痛

芍藥

阿膠

艾葉

熟地

各一兩

甘草

當歸

各三兩

右咬咀水煎分二服空心飲

天當歸芍藥散治妊娠腹中絞痛心下急痛及療產後血

暈崩中久痢

方見維脈  
腹痛門

後重者  
散之

楊療妊娠血痢用阿膠二兩以酒一升半煮取一升頓服  
天產後諸痢煮薤白食之 又方羊腎脂炒薤白空心食

之甚佳

經治產後胎前痢疾敗龜甲一枚米醋炙研為末醋湯調

虛滑者  
散之

下丹  
漢云龜甲大  
清陰治勞瘵

丹婦人患墮胎後腦滿食少痢不止脉虛左手尤甚

滑石

白芍藥炒

蒼朮各五錢

白朮五分

乾姜四錢

茯苓一錢

訶子二錢

右爲細末調下保和丸四五十粒

熱滑

雲產後血痢臍腹疼痛四物湯加槐花黃連御米殼等藥

黃連丸治產後赤白痢腹中攪痛不忍

黃連

阿膠

蒲黃

梔子仁各二錢

當歸

黃芩

黃柏各二兩

右爲末煉蜜丸如桐子大每服六七十丸米飲調下日

三夜一

仲產後下痢虛極白頭翁加甘草阿膠湯主之脉經作熱痢重下痢

產者

白頭翁

阿膠各二兩

黃連

黃柏

秦皮各三兩 甘草兩

右以水七升煮取二升半納膠令消盡分三服溫服

婦人臨產痢疾山梔不拘多少燒灰爲細末空心煎水調  
下一錢甚者不過五服

產後血痢小便不通臍腹疼痛用生馬齒莧搗汁二大合

煎一沸下蜜一合調頓服

寒滯  
梅治產後血泄不禁餘血作痛燕塊桂心乾姜等分爲末

空心酒調服方寸匕

雜方  
天療產後痢日五十行者取木裏蠶虫糞炒黃急以水沃

之令稀稠得所服之即瘥

聖產後諸痢方取蒼耳葉搗汁半盞日三四溫服

大便不通 產後大便閉 大小便不通

產後大小便不通

恒津液耗而燥者以辛潤之 腎主五液津液感則大

如常若飢飽勞役損傷胃氣及食辛熱厚味之物而助火邪伏於血中耗散真陰津液虧少故大便結燥又有年老氣虛津液不足而結者腎惡燥急食辛以潤之是也

氣血風燥皆潤之

潤腸丸并加減法治胃中伏火大便閉澀或乾燥不通全不思食乃風結血秘皆令閉塞須潤燥和血疎風則自然通矣

羌活

歸稍

大黃

各半兩

麻仁

桃仁

泡去皮尖各一兩

右為末除麻仁桃仁另研如泥外為細末煉蜜為丸如桐子大每服三五丸空心白湯下 如病人不小便

因大便不通而澀其邪盛者急加酒洗大黃以利之

如血燥者加桃仁酒洗大黃 如風結燥者加麻仁大

黃 如風澀者加煨皂角仁大黃秦芫以利之 如脉

濟覺身痒氣瀉者加郁李仁大黃以除氣躁如寒陰  
之病爲寒結閉者以局方中半硫丸或加煎附子生姜  
湯冰冷與之其病雖陰寒之症當服陽藥補之若大便  
恒不甚通者亦當十服中與一服利藥微通其大便不  
令閉結乃治之大法也 若病人雖是陰症或是陰寒  
之症其病顯躁脈堅實亦宜陽藥中少加苦寒之劑以  
去熱躁躁止勿加如陰躁欲坐井中者其二腎脈按之  
必虛或沉細而遲此爲易辨如有客邪之病亦從權加  
藥以去之

右一方加減法隨寒熱虛實及血秘氣秘風秘用藥至  
爲詳盡餘方皆不出此也

恒活血潤腸丸治大便風秘血秘時常結躁

當歸稍錢

防風稍錢

羌活兩

大黃兩

麻子仁二兩

桃仁二兩

皂角仁炮存性去皮

滑則燥  
結自除

右除麻仁桃仁另研如泥外為極細末煉蜜為丸桐子  
大每服五十九白湯下三二服後須以蘇子麻子湯每  
日早晚食之大便日久再不結燥以磁器盛之紙封勿  
令見風

當歸潤腸湯

升麻錢一

當歸稍錢一

熟地錢一

生地錢二

紅花分五

大黃煨

甘草稍生

桃仁

麻仁各一錢  
研如泥

右劉如麻豆大作一服水三盞入桃麻仁煎一盞空心

稍熱服

導滯通幽湯治大便難幽門不通上衝吸門不開噎塞不



便燥閉氣不得下治在幽門以辛潤之

當歸身

升麻稍

桃仁泥

甘草

灸各一錢

紅花炒

熟地

生地各五分

右改咀作一服水二大盞煎至一盞調栝榔細末五分稍熱服之

凝許學上治年老虛秘麻仁蘇子各半合研取汁分二服  
煮粥服之不藥而愈

羅潤腸橘杏丸降氣潤腸服之大腸自無滯滯

橘皮

杏仁

去皮尖并双仁者麩炒黃各等分本草云杏仁能潤氣燥

右等分爲末煉蜜丸如桐子大每服五十九丸空心溫水

下亦不損胃氣

右乃潤燥法蓋桃仁麻仁治血燥杏仁郁李仁治氣燥

皂角仁治風燥也

再楊淳三哥大便秘澇小便如常咽寒不通食下便有痰  
出脉澇左右手同此血虛腸燥為脾約病甚者人參散主  
之

人參

黃芪各一

厚朴八分

地黃七分

桃仁

枳殼炒各一錢

甘草炙

煎入竹瀝姜汁飲之又與鎔陽從蓉二錢桃仁一錢煮  
粥入竹瀝名潤腸散

婦人腸秘補血和氣以通之

肉從蓉一兩

麻仁

白芍藥

陳皮

當歸身各一

右為末晒乾炒神麴糊為丸如桐子大食前白湯下五  
十九二次服

世從蓉潤腸丸治發汗過多耗散津液大腑秘結

旋蓉

酒浸焙沉香另研

右為末用麻仁汁打糊丸如桐子大每服七十九米飲

下

海益血丹治大便秘久虛亡血

當歸

酒浸焙

熟地

各等分

右為末煉蜜丸如彈子大細嚼酒下

丹大腸虛秘而熱者

白芍藥一兩陳皮

生地

當歸身各一兩

條芩

甘草

右粥為丸白湯下

右從蓉當歸地黃潤燥法蓋積血枯竭而虛甚者宜之

有積有積宜有物有積而結者當下之

食傷太陰腸滿食不化腹

響響然不能大便者以苦泄之

仲景麻仁湯方七宣七皆以大黃為君之類是也

之屬五穀

恒治注夏大便滯者血少血中伏火也黃芪人參湯加

生地黃當歸身桃仁泥麻仁泥潤之

黃芪人參湯方見注夏

如潤

之大便久不快利者少加煨大黃微利之如加大黃久

不快利者非血結血秘是熱則生風病必濕風症止當服

黃芪人參湯只用羌活半兩防風半兩水四盞煎至一盞

去查空心服之其大便必大走也

脾約丸論○成無己曰約者結約之約又束約之約胃

強脾弱約束津液不得四布但輸膀胱故小便數而大便

硬故曰脾約與此九以下脾之結燥潤腸結化津液入胃

則大便利小便少而愈矣愚竊有疑者既曰脾約脾弱不

能運也脾弱則土虧矣必脾氣之散脾血之耗原其所由

久病大下大汗之後陰血枯槁內火熾灼熱傷元氣又傷

於脾而成此症傷元氣者肺金受火克氣無所攝傷脾者

西北方  
人宜剛  
東南方  
人宜潤  
燥

肺爲脾之子肺耗則津竭必竊母氣以自救金耗則木寡  
于畏土欲不傷不可得也脾失轉輸之令肺失傳送之官  
宜大便秘而難下小便數而無藏畜也理宜滋養陰血使  
孤陽之火不熾而金行清化木邪有制脾土清健而運行  
津液津液入胃則腸潤而通矣今以<sub>大黃</sub>爲君<sub>枳實厚朴</sub>  
爲臣雖有芍藥之養血麻仁杏仁之溫潤爲之佐使用之  
熱甚而氣實者無有不安愚恐西比二方地氣高厚人稟  
壯實者可用若用之東南之人內熱自甚而血氣不實者  
雖得暫通將見脾愈弱而燥矣後之用此方者須知在西  
北以開結爲主在東南以潤燥爲主慎勿膠柱而調瑟可  
也

秘赤食  
秘赤食

濕臟腑之秘不可一槩治療有虛秘有實秘胃實而秘者  
能飲食小便赤當以麻仁丸七宣丸之類主之

仲景麻仁丸方見傷

寒陽明病第服二十九丸未知加  
至五十九丸日三服以利為度

### 高七宣丸

柴胡兩五

桃仁去皮尖

枳實銹炒

甘草炙四兩

訶子皮

木香各五兩

大黃銹累煨

右為細末煉蜜丸如桐子大每服二十九丸米飲送下漸

加四五十丸以利為度

治大便不通用烏柏木皮方一寸劈破以水煎取小半

盞服之立通不用多服其功神聖兼能取水或以此湯調

下五苓散二錢空心更妙

潔胃虛而秘者不能飲食小便清利厚朴湯主之

陳皮兩一

甘草炙二兩

厚朴制二兩

白朮三兩

半夏麩兩一

枳實炒一兩

右麩末每用三五錢水盞半姜三片棗一枚煎至一盞

不能食  
燥清為  
秘

去查空心溫服實秘者物也虛秘者氣也

枳檉散治腸胃受濕大便秘滯用枳檉不拘多少為末每服

二錢蜜湯點服不拘時

診象

海槐杏仁俱治大便秘當以血氣分之年老虛人大便秘

秘者脉浮在氣杏仁陳皮主之脉沉在血桃仁陳皮主之

所以俱用陳皮者以其干陽明病與手太陰為表裏也又

云盛則難便行陽氣也敗則便難行陰血也

診陰陽  
寒熱

仲問曰脉有陽結陰結者何以別之曰其脉浮而數能食

不大便者此為實名曰陽結也期十七日當劇其脉沉而

遲不能食身體重大便反硬名曰陰結也期十四日當劇

垣有陽結有陰結陽結者散之陰結者熱之

熱氣留於小腸腸中痛脈熱焦渴則堅乾不得出故痛而

閉不通矣

全文見  
諸痛

腸結

膀胱移熱於小腸腸不便

全文見診病傳變

保大黃牽牛散治相火之氣遊走臟腑大便秘結

大黃

兩

牽牛

兩末

右為細末每服三錢有厥冷合用酒調無厥冷而手足煩熱者蜜湯調下食後以微利為度此謂不時而熱者

濕熱也

凡用大黃半兩至一兩而大便不通利者加麝少許調於藥中則大便必大走也

右熱秘皆陽結之屬仲景大小承氣及麻仁丸之類是

也方見傷寒陽明病

世治後分閉塞用萱草根一捻同生姜搗碎取自然汁服之立愈

陰結

白半硫丸治年高冷秘虛秘

硫黃

研細生用

半夏

搗

右等分和勻生姜自然汁打麩糊為丸桐子大每服五



十丸空心温酒姜湯任下

恒麻黃白朮湯治大便不通五日一遍小便黃赤渾身腫  
面上及腹尤甚色黃麻木身重如山沉困無力四肢痿軟  
不能舉動喘促唾清水吐穢痰白沫如膠時躁熱發欲去  
衣須臾而過振寒頂額有時如冰額寒尤甚頭旋眼黑目  
中溜火冷淚鼻不聞香臭小腹急痛當臍有動氣按之堅  
硬而痛

麻黃

不去根五分

杏仁

四箇 吳茱萸

白芷

剉五分 厚朴

炒麴

升麻

柴胡

白朮

蒼朮

甘草

澤瀉

白茯苓

橘紅

青皮

黃連

黃柏

黃芪

人參

猪苓

熟甘草

右咬咀分作二服每服水二大盞半先煎麻黃沸去沫  
再入諸藥同煎至一盞去渣稍熱食遠服 此症宿有  
風濕熱伏於榮血之中其水火乘於陰道而上盛元氣  
短少上喘爲陰火傷其氣四肢痿在腎水之間乃所勝  
之病今正遇冬寒得時乘其肝木又實其母肺金克木  
凌火是大勝必有大復其症善怒欠多噎噉中如有物  
不聞香臭目視慌慌多悲健忘少腹急痛遍身黃腹大  
脹面目腫尤甚食不下痰唾涕有血目背癆大便不通  
只二服皆愈

運氣  
運氣大便閉有三

- 一曰熱經云熱至則淋閉又云少陰之復膈腸不便是也
- 二曰寒經云太陽所至爲禁止是也
- 三曰濕經云太陰司天濕淫所勝病大便難是也

外取法

仲蜜煎導法

方見傷寒胃實并漢云路公夏中病遇有人

又不樂大黃藥遂一夕用蜜煎三下結

十枚遂使若虛人解者難下藥五州此法

海麝廬煎用鹽與蜜乘熱捻如蜜煎法上項或用十許納

穀道中少許化開即通

一法用蜜煎不通者

海蜜煎與鹽相合如用草烏頭末相合亦可鹽能軟堅

潤燥草烏能化寒消結可隨症陰陽所宜用之

急提盆散治雜病非陰候者用草烏頭不拘多少為極細

末每用葱一枝肥者削去鬚圓頭上有汁濕蘸之納穀道

中

仲

猪膽汁方

方見傷寒胃實

孟大便不通氣奔欲死者以烏梅十箇置湯中須臾按去

核杵為丸如棗大納下部少時即通

又方治大小便不通

江子肉 杏仁 皂角

右為末作餅置臍上文灸自通

世通關散治卒閉不通用盞入臍中灸即通去之

禾宜積丸手心握藥使通

巴豆 乾姜 萆子 良姜

硫黃 其遂 白槿柳各等分

右為細末研飯為丸如龍眼大早朝先用椒湯洗手麻

油塗手掌口握藥一粒移時便瀉欲止以冷水洗手

針灸大便閉有二法

其一取胃經云腸中不便取三里盛瀉之虛補之是也

其二取腎經云邪在腎病大便難取之湧泉崑崙視有血

者盡之

天大便秘塞 照海五分補二呼 支溝半寸瀉

**撮**又法 照海瀉之 太白瀉之 亦可

**集**又法 照海十壯瀉之 章門七壯 太白半寸灸五壯已上諸

穴皆虛實補瀉之虛結補則通熱結瀉則通寒結先瀉後補熱結先補後瀉之

**摘**又法 氣海八分令病人覺便三五次為度出 三里

五分覺腹中鳴三五次即透

**世**又法 合谷

**取**大便閉持七椎兩傍相去各一寸灸三壯 承筋灸三壯

**陽**進按玉泉相去二寸隨年壯針灸書無此穴或云非正穴也

又法 石門半寸 大都五分

**摘**治大便不通并傷寒水結 三開沿皮下向至合谷穴

針出 承山七分

**甲**大便難中渚及太白主之 又大鍾主之

禁忌 汗予觀古方通大便皆用降氣品劑蓋肺氣不降則大便

難傳送用杏仁枳殼沉香訶子等是也又老人虛人風人  
津液少而秘者宜以藥而滑之用胡麻麻仁阿膠等是也  
如妄以峻利藥逐之則津液走氣血耗雖暫通而即秘矣  
必更生他病昔王少府患此疾有人以峻藥利之者累矣  
後為肺痿咯膿血卒至不通而死

產後大便不通

虛  
產婦人產後有三種疾鬱冒則多汗汗多則大便秘故難  
於用藥惟麻子蘇子粥最為穩當 用紫蘇子大麻子二  
味各半合洗淨研極細用水再研取汁一盞分二次煮粥  
啜下此粥不唯產後可服大抵老人諸虛風秘皆宜服之  
嘗有一人昇年八十四忽爾腹痛頭疼惡心不食召醫數  
十議皆用補脾進食治風清利頭目等藥數日雖愈全不  
入食其家憂惶予辨說前藥皆誤矣此症正是老人風秘

臟腑滯聚於胃中則腹脹惡心不思飲食又上至於巔  
則頭痛神不清也若臟腑流暢諸疾悉去矣予今作此粥  
兩啜而氣泄先下結糞如胡椒者十餘枚後漸得通利不  
用禁而自愈矣

丹產後秘結不通膨滿者氣急難坐臥用藥末酒下一

合神效

出兵部  
下集

大小便不通

丹一婦人脾疼後患大小便不通此是痰隔中焦氣聚上  
焦二陳加木通初服後吐查再服

山大小便不通燒阜角灰為末粥清調下

本車狗散治大小便經久不通欲死者

用推車客七箇土狗七箇

在土名土狗  
在水名水狗

二物新瓦上焙

乾為末以虎目樹皮向東南者濃煎湯服之經驗如神

痰

熱

寒

虎目即虎杖其性大能利小便又解暑毒一說男婦用頭推脊脊用身放

上用頭推脊脊用身放

海廻生神膏治陰症大小便不通及諸雜病陰候大小便不通者宜用此治法數日不通危急者用之非急不用

牡礪

陳粉

乾姜也各一兩

右為細末男病用女人唾調手內擦熱緊掩二卵上得汗出愈蓋卵與乳乃男女之根蒂坎離之分屬也

診

脉盛皮熱肚脹前後不通暫悶此謂五實全文見治法

雜方

再掩臍法治大小便不通用連根葱一二莖帶土生姜一

塊淡豆豉二十一粒搗二匙同研爛作餅烘熱掩臍中以帛紮定良久氣透自通不通再換一餅

針灸

刺大小便不通 大都分



痢大小便難 環岡在小腸俞下二寸 水道 在臍下二寸 榮  
衛在背脊四面各一寸八分 腹眼 下三寸 扶脊 相去  
四寸 兩邊各四穴 灸十壯 至百壯 或云此穴未詳

甲三焦約大小便不通水道主之  
左後大小便不通

雷療產大小便不利下血

車前子 黃芩 蒲黃 牡蠣

生地 芍藥 各一錢

右爲細末空心米飲服方寸匕忌麪蒜

針灸  
心治婦人產後忽小腹痛如煎大小便不通氣海三里關

元三陰交陰谷主之

醫學綱目卷之二十三